

詩

寄贈

送行

文苑英華

二百六十一至二百七十



文苑英華卷第二百六十一

詩一百一十

寄贈十五

周賀二十一首

溫庭筠二十四首

杜牧十八首

許渾十八首

曹汾一首

寄寧海李明府

周賀

山縣風光異美一作公門水石清一官居外府幾載別日二到

東京故疾梅天發新詩雪夜成家貧希一作思減選時靜憶

歸耕抱跡窮一作把書義澄心得獄情夢靈邀一作留客解

劍鏡一作古棟人覓僧一作呈守月通一作宵坐尋花迴路一作傍徑行

從未知愛道何慮白髮生

投江州張郎中

前人

要地無集作多閑日仍容集作仍員謁頻借集作買山年涉閨寢

郡月踰旬驛徑曾衝雪公泉省滌塵隨行溪路細接話草
堂新減藥痊餘集作全除癖飛書問若集作苦問貧噪蟬離宿集作拋裝
殼吟客寄秋身鍊句盈箱篋懸圖視蜀閩靜居集作使君匡阜
近終作社中人

出閩寄賈島

一作送客

前人

舊鄉無子孫誰共老青門迢遞早秋路別離深夜村伊流
借遠客岳響答啼集作清猿去後期招隱何當復此言

（此詩二百七十九卷重出今已削去）

贈胡僧

前人

瘦形無血色草屨着行穿閑話似持咒不眠同坐禪背經
來漢地袒膊過冬天情性人難會遊方應信緣

贈然上人

前人

竹庭瓶水新添稱北窓人講罷見黃葉詩成尋舊隣錫陰

迷集作連

坐石池影露齋身苦作南行遊

約勞生始問津

春日山居寄友人

前人

春居無俗喧時立澗前門路遠少來客山深多過集作猿
帶集作倚巖松色老臨水杏花繁除憶文留後集作外何人更

可言

贈朱慶餘校書

前人

風泉盡一作夜結水寒夢徹一作入西陵越信楚城得遠懷中
夜興樹停沙島鶴茶會石橋僧寺閣連官舍行吟過一作到

幾層

贈緱氏

集作山

李明府

前人

貴邑清風蒲惟集作誰通上宰心杉松出郭部集作出郭外雨雹
下嵩陰度鴈方當壘來僧始到岑西池月色迴集作孤

會接一宵吟

寄杭州姚合郎中

前人

轉海移

集作轉刺來

山郡連年別省曹分題得

集作惠

客少着價

買書高暮

集作晚

柳蟬和角寒城燭照濤翻陽

集作溪

臥疾久

集作者

未暇

集作不及

從乘艘

寄朱慶餘已見二百三十一卷

前人

贈李主簿

前人

稅時兼主印每日得閑稀對客放科吏為官亦典衣案遲
吟坐待宅近步行歸見說論詩道應愁斷是非

贈厲玄侍御

前人

山松徑與瀑泉通巾舄行吟想越中塞鴈去經華頂末鄉
僧來自海濤東関分河漢秋鍾絕露滴彌猴夜岳空抱
疾因尋周柱史杜陵寒葉落無窮

贈姚合郎中

前人

望重來為守土臣清高還似武公貧道從會解惟求靜詩
造玄微不趁新玉帛定知難撓思雲泉終是得関身兩衙
向後無餘事門館多逢請益人

晚秋江館書事寄姚郎中

前人

病寄西州居帶城倚門孤柳一蟬鳴澄江月上見魚擲荒
迳葉乾聞犬行越島夜無侵閣色寺鍾寒有隔源聲故
園賣 休歸去湖水秋來空自平

上陝府姚中丞

前人

此心長愛狎禽魚仍候登封獨著書領郡只嫌生藥少
在官長恨與山踈成家盡是經綸後得句應多諫諍餘見
說養真求退靜溪南泉石許同居

贈道人

前人

布褐高眠石竇春迸泉多濺黑紗巾搖頭說易當朝秀落

手圍碁對俗人自筭天年窮甲子誰同兩夜守庚申
擬歸太華何時去他日相尋乞藥銀

守韓司兵

前人

多病十年無舊識滄州戰後始逢君已知罷秩辭龍水
相勸移家近岳雲泗上旅郵侵疊浪雲中歸路踏荒墳若
爲此別終期老書札何曾寄北軍

夏日寺居寄楊侍御

前人

雨過北碧一作林空晚涼院閑人去掩斜陽十年多若一作病
度寒落一作葉萬里亂愁生夜牀終欲反耕甘性拙多一作
慙他多一作事與身忙還遙一作知謝客名先重肯爲詩篇

問楚狂

寄金陵僧

前人

水石致身閑自得平雲竹閣少炎蒸齋牀幾減供禽食禪

徑寒通照像燈覓句當秋山落葉臨書近臘硯生冰行登
惘到諸餘寺坐聽蟬聲滿耳頻

寄長孫中丞

前人

潯陽却到是何日此地今無舊使君長憶窮冬宿廬岳
瀑泉冰折共僧聞

寄潘緯

前人

楊柳垂絲與地連歸來一醉向溪邊相逢頭白莫惆悵
世上無人長少年

寄山中人

温庭筠

月中一雙鶴石上千尺松素琴入爽籟山酒和春容幽瀑
有時斷片雲無所從何事蘇門生携手東南峯

旅泊新津欲寧

一二知己

前人

維舟息行役霽景近江村併起別離恨似聞歌吹喧高林

月初上遠水霧猶昏王粲平生感登臨幾斷魂

初秋寄友人

前人

閑夢正悠悠涼風生竹樓夜琴知欲雨曉簟覺新秋獨
鳥楚山遠一蟬闌樹愁憑將離別恨江外問同一作遊

贈僧云栖

前人

麈尾與筇杖幾年離石壇梵餘林雪厚碁罷岳鍾殘
開卷喜先悟漱餅知早寒衡陽寺前鴈今日到長安

雪夜與友生同宿晚寄近鄰

已見一百卷五十四卷前人

鄂郊外墅寄所知

前人

持願望平綠萬景集所思南塘過新雨百草生容姿幽
鳥不相識美人何可期徒然委搖蕩惆悵春風時

贈盧郎中

前人

白首方辭滿荆扉對渚田雪中無陋巷醉後似當年一笈

負山藥兩瓶携澗泉夜來風浪起何處認魚船

贈盧長史

前人

移病欲成隱扁舟歸舊居地深新事少官散故交疎道
直更無侶家貧惟有書東門煙水夢非獨為鱸魚

寄渚宮遺民弘里生

前人

柳弱湖堤曲籬疎水巷深酒闌初促席歌罷欲分襟波月
欺華燭江雲潤故琴鏡闌花竝帶林冷篔連心荷疊平
橋暗萍稀敗舫沉城頭五更鼓牕外萬家砧異縣魚投
浪當年鳥共林八行香未減千里嘆難尋未肯睽良顧空
期嗣好音他時詠懷作猶得並南金

春日將欲東歸寄新及第苗紳先輩

一作不第寄司馬禮前人

幾年辛苦與君同得喪悲歡盡是空猶喜故人先折桂
自憐羈客尚飄蓬三春月照千山路集作道十日花開一夜風

知有杏園無路一作計入馬前惆悵滿枝紅

贈李將軍

前人

誰言荀一作家荀羨愛功勳年少登壇衆所聞曾以能書稱
內史又因明易號將軍金溝故事春長在玉軸遺圖火集作文章
半焚不學龍驤畫山色集作水醉鄉無迹似閑雲

寄盧生

前人

遺業荒涼近故都門前堤路枕平湖綠楊陰裏千家月
紅藕香中萬點珠此地別來雙鬢改幾時歸去片帆孤他年
猶擬金貂換寄語黃公舊酒壚

贈袁司錄

即丞相淮陽公之猶子與庭筠有舊也

前人

一朝辭滿有心期花發揚園雪覆集作堅枝劉尹故人諳往
事謝郎諸弟得新知金釵醉就胡姬畫玉管閑留洛客
吹記得襄陽耆舊語不堪風景岷山碑

寄清涼寺僧

已見二百二十三卷

前人

贈蜀將

蠻人成都頗著勳勞見三百卷邊將門

前人

春暮宴罷寄宋壽先輩

前人

斜掩朱門花外鍾曉鷺時節好相逢窻間挑葉集作葉宿粧
在雨後牡丹春睡濃蘇小風姿迷下蔡馬卿才調似臨邛
誰憐芳草連集作生三徑參佐橋西陸士龍

寄岳州李外郎遠

一作肱

前人

含頰不語坐樞願天近樓高宋玉悲湖上殘碁人散後岳
陽微雨鳥來遲早梅猶得回歌扇春水還應理釣絲獨一作唯
有袁安一作宏正憔悴一罇惆悵落花時

投集作上翰林蕭舍人

前人

人間鴛鴦香難從猶限集作獨金扉直幾集作九重萬象曉
晚集作歸仁壽鏡百花春滿集作隔景陽鍾紫微芒動詞初出紅蠟

香殘詔未封每過朱門愛庭樹一枝何日許從容

秋日旅舍寄義山李侍御

前人

一水悠悠隔渭城渭城風物近柴荆寒蛩乍響催機杼
旅鴈初來憶弟兄自為林泉牽曉夢不聞砧杵報秋聲
子虛何處堪消歇試向文園問長卿

却歸

集作經

商山寄昔同行友人

前人

曾讀逍遙第一篇爾來何事集作無處不恬然便同南郭能
忘象兼笑東林學坐禪人事轉新花爛熳驛集作客程依舊
水潺湲若教猶作當時意應有垂絲在鬢邊

游南塘寄王知白

前人

白鳥梳翎立岸莎藻花菱刺沉微波煙光似帶侵垂
柳露點如珠落卷荷楚水晚涼催客早杜陵秋思傍蟬
多劉公不信歸心切聽取江樓一曲歌

晚坐寄友人

前人

九枝燈在瑣窻空希逸無聊恨不同曉夢未離金夾暎疑早
寒先到石屏風遺簪可惜三秋白蠟燭猶殘一寸紅應卷蝦簾
看浩疑齒鏡中惆悵見梧桐

西江寄友人

集作鈞叟

騫生

前人

碧天集作晴江如鏡月如鈎泛灩蒼芒送客愁夜淚潛生竹枝
曲春灘遙聽集作上木蘭舟事隨雲去身難到夢逐烟銷水
自流昨日歡娛竟何事集作在一枝梅謝楚江頭

寄河南杜少府

集作戶

前人

十歲集作載歸來鬢未彫玳簪珠履見常僚豈關名利分榮
路自有才華作慶霄鳥影不飛集作參差經上苑騎聲相續過
中橋夕陽亭下集作畔山如畫應念田歌正寂寥

許七侍御弃官東歸蕭洒江南頗聞自適高秋

企望題詩寄贈十韻

杜牧

天子繡衣吏東吳美退居有園同廛信避事學相如蘭晚
晴香嫩筠溪翠影踈江山九秋後風月六朝餘錦肆開詩
軸青囊結道書霜巖紅薜荔露沼白芙蓉睡雨高梧
密碁燈小閣虛凍醪元亮秋寒膾季鷹魚塵意迷今古
雲情識卷舒他年雲中掉陽羨訪吾廬於義興縣近有水榭
除官行至昭應聞友人出官因寄前人
賤子行集作來千里明公去一麾不能揮集作休涕淚豈獨感恩
知草木窮秋集作秋風後山川落照時如何望故國驅馬却遲
遲

江上雨寄崔碣已見一百五十三卷

前人

贈張祐

前人

詩韻一逢君平生稱所聞粉毫惟畫月瓊尺只裁雲

將軍
點陣人人懾秋霜集作星歷歷分數篇留別我羞殺李

寄張祐見三百十三卷

前人

寄李起居四韻

前人

楚女梅簪白雪姿前溪碧水凍一作水醪時雲壘心凸知難
捧鳳管簧寒不受吹南國劍眸能盼盼侍臣香袖愛傲
垂自憐窮律窮途客正劫孤燈一局碁

李給事

前人

一章緘拜阜囊封集作中慄慄集作慄慄朝廷有古風元禮去歸

綸氏學李膺退罷歸給事論鄭注告滿歸潁陽也江充來見犬臺宮注鄭

對於浴堂紛紜白晝驚千古鉄鎖朱殷幾一空曲突徙薪人不

會海邊今作釣魚翁

李膺事載後漢本傳今杜集誤作緱氏

寄宣州鄭諫議

前人

大夫官重鎮江東瀟泗名儒振古風文石階集作前辭

聖主碧雲天外作冥鴻五言寧謝顏光祿百歲頌齊

衛武公再拜宜為集作文人行過庭交分有無同

豫章中丞業深韜略志在功名再拜集作長

句無有謬勸前人

檣似鄧林江拍天越香已錦萬千千滕王閣上拓技鼓

徐孺亭西鐵軸船八郡元侯非不貴萬人師長豈無權

要君一作嚴重踈歡樂猶有河湟可不鞭特收

初春雨中舟次和州裴使君見迎李趙秀

才同來因書四韻兼寄許渾前人

芳草渡頭微雨時萬株楊柳拂波垂蒲根水煖鴈初浴

梅徑香寒蜂蝶一作未知詞客倚風吟暗澹使君迴馬濕旌

旗江南仲蔚多情調悵望春陰幾首詩

途中寄友人前人

道傍高木盡依依落葉驚風處處飛未到鄉關聞早

鴈獨於寒路受寒衣煙霞舊想長相阻書劍投人久不歸

何日一名隨事了與君同採碧溪薇

贈李處士長句四韻前人

玉函怪牒鎖靈篆紫洞香風吹碧桃老翁四百爪牙利擲

火萬里精神高靄靄祥雲隨步武纍纍秋塚嘆蓬蒿

三山朝去應非久姹女當窻織羽袍

贈李秀才是上公孫子前人

骨清年少眼如冰鳳羽參差五色層天上麒麟時一下

人間不獨有徐陵

寄揚州韓綽判官前人

青山隱隱水遙遙秋盡江南岸草集作周二十四橋明月

夜美

集作玉

人何處坐

集作教

吹簫

冬至日寄小姪阿宜

前人

小姪名阿宜未得三尺長頭圓筋骨緊兩臉明且光去年學官人竹馬逸四廊指揮羣兒輩意氣何堅剛今年始讀書下口三五行隨兄旦夕去斂手整衣裳去歲冬至日拜我立我旁祝爾願爾貴仍且壽命長今年我江外今日生一陽憶爾不可見祝爾傾一觴陽德比君子初生甚微茫排陰出九地萬物隨開張一似小兒學日就復月將勤勤不自己二十能文章仕官至公相致君作堯湯我家公相家劍珮常丁當舊第開朱門長安城中央第中無一物萬卷書滿堂家集二百編一作三百篇上下馳皇王多是撫州寫今來五紀強尚可與爾讀助爾爲賢良經書刮根本史書閱興亡高摘屈宋艷濃薰班馬香李杜泛浩浩韓柳摩蒼

蒼近者四君子與古爭強梁願爾一祝後讀書日日忙一日讀十紙一月讀一箱朝廷用文治大開官職場願爾出門去取官如驅羊吾兄苦好古學問不可量晝居府中治夜歸書滿床後貴有金玉必不爲爾藏崔昭生崔芸李兼生窰即堆錢一百屋破散何披猖今雖未即死餓凍幾欲僵叅軍與縣尉塵土驚動勳一語不中治答筆身滿瘡官罷得絲髮好買百樹桑稅錢未輸足得米不敢嘗願爾聞我語歡喜入心腸大明帝宮闕杜曲我池塘我若自潦倒看汝爭翔翔惚語諸小道此詩不可忘

赴京初入汴口曉景即事先寄兵部李郎

中

前人

清淮控隋漕北走長安道檣形擲擲斜浪熊迤迤徒何好初旭紅可染明河淡如掃澤闕鳥來遲村飢人語早露蔓

蟲絲多風蒲燕鷓老秋思言蕭蕭客愁長裊裊因懷
京洛間宦遊何戚草什伍待津梁項湧爭追討翹便詎
可尋幾秘安能考小人乏馨香上下將何一作禱唯君
子心顯豁知幽抱

題安州浮雲寺樓寄湖州張郎中見三百卷前人

贈宣州元處士已見二百卷前人

寄題南山集作商洛王隱居許渾

近逢商洛客知爾住南塘草閣平春水柴門掩夕陽
隨蜂收野蜜尋麝採生香更憶前年醉松花蒲石床
留贈偃師主人前人

孤城漏未殘徒侶拂征鞍洛北去愁遠淮南歸夢闌曉
燈回壁暗晴雪卷簾寒強集作更盡主人酒出門行路難
贈梁將軍前人

曾經黑山虜一劍出重圍年長窮書憶時清隱戰機集作鈞

高僧集作齋雲外住瘦馬月中歸唯說鄉心苦春風鴈北飛
贈柳璟馮陶二校書前人

霄漢兩飛鳴喧喧滿集作動禁城桂堂同日盛云閣隔年

榮香掩蕙蘭氣韻高鸞鶴聲應憐茂陵客未有子虛名
寄友人集作寄衣校書前人

新歲集作貢樂游北江海思迢迢雪夜書千卷花時酒一瓢

獨吟集作愁秦樹老孤夢楚山遙有路應相念風塵滿黑貂
將歸茅山兼寄李叢時兩河用兵集作兩河用前人

故人日已遠身事與誰論氣直集作性拙難趨世心孤易感恩
晨歌集作秋悲憐宋玉夜舞笑劉琨從此歸山去無因更出門
集作徒有干時兼青山尚掩門

長興里夏日寄集無南憐避暑前人

侯家大道傍蟬噪樹蒼蒼開鎖洞門遠下簾高館涼攔
圍紅藥盛架引綠蘿長永日一歌枕故山雲水鄉

舟行早發廬陵郡郭寄滕郎中 前人

楚客停橈太守西集作知露凝丹葉自愁集作秋悲蟹螯只恐
相如渴鱸膾應防曼倩飢風捲曙雲飄角遠雨昏寒浪挂
帆逢離心更羨高齋夢集作夕巫峽花深醉玉卮

京口閑居寄兩都親友集作京洛友人 前人

吳門煙月昔同遊楓葉蘆花並客舟聚散有期雲北去浮
沉無計水東流一樽酒盡青山暮千里帆集作書回碧樹秋何

處相思不相見鳳城宮闕楚江頭集作樓

郊園秋日寄洛中友人一作親友 前人

楚水西來天際流感時相傷一作傷別思悠悠一樽酒盡青山

暮千一作萬里書一作春回碧樹秋日落遠波驚一作低宿鴈風吹輕

浪起眠鷗嵩陽親友誰相念一作如相問潘岳閑居欲白頭

(此詩第二聯與前篇同未喻)

獻鄜坊丘常侍 前人

詔選將軍護北戎身騎白馬臂彤弓柳營遠識金貂貴榆
塞遙知玉帳雄秋檻鼓鼙敬馬朔雪曉階旗纛起邊風蓬
萊每望平安火應奏班超定遠功

寄當塗李遠 前人

賦擬相如詩似陶雲陽煙月又同袍車前驥病駑駘逸
架上鷹閑鳥雀高舊日樂貧能飲水他時隨俗願鋪
糟不須倚向青山住詠雪題詩用意勞

寄殷克藩 前人

十載聞君集作名翰墨林為從知己信浮沉集作沉青山有雪

請松性碧落無雲稱鶴心帶月獨歸蕭寺遠翫花頻醉
更橫深尋思集作思居一見如窮樹空把新詩盡日吟

移攝太平寄前李明府

前人

病移巖邑稱閑身幾集作何處風光貫酒頻溪柳逸門彭

澤令野花連洞武陵人嬌歌自駐壺中日集作景艷舞長留

海上春早晚高臺更同醉綠蘿如帳草如茵

春日思舊遊寄南徐從事劉三復前人

風煖曲江花半開忽思京口共銜杯湘潭雲盡暮天出巴

蜀雪消春水來懷玉尚悲迷楚塞捧金猶羨樂燕臺有

疑門高處極歸思隴鴈北飛雙鷺迴

贈河東虞押衙

前人

吳門風水各集作落萍流月滿花開懶獨遊萬里山川分曉

夢四隣歌管送春愁昔年顧我長青眼今日逢君已集作盡

白頭莫向罇前更惆悵古來投筆盡集作惣封侯

移攝太守

集作陽春日

寄汝洛舊遊

前人

百年身世學集作似飄蓬澤國移家疊障中萬頃碧波魚

戀釣九重青漢鶴愁籠西池水冷春巖雪南陌花香晚集作曉

樹風從有芳罇何處集作心不醉故人今集作多在洛城東

寄友人

集作宋次部

前人

朱檻煙窻集作霜夜坐勞美人南國舊同袍山長水遠無消

息瑤琴一彈秋月高

望九華寄池陽杜負外

總目作曹分許集無之

載月早辭三秀館遲明初識九華峯差差玉劍寒銍利裹

裹青蓮翠葉重奇狀却疑人畫出嵐光如爲客添濃行春

若到五溪上此處褰帷正面逢

文苑英華卷第二百六十一

登仕郎胡柯 鄉貢進士彭叔夏 校正

諸本兩卷皆作二百六十一其篇數雖合總目而詩多
重複或全異者如周賀十二首重者三温庭筠十五首
重者五杜牧九首皆不同許渾十四首前卷闕其九後
卷增其所增者許集又無之而總目却有曹汾一首
疑是汾詩今合為一卷去其重複注異同為一作

文苑英華卷第二百六十二

詩一百十二

寄贈十六

張枯七首

李洞九首

方干二十三首

李白一首

李羣玉六首

陳陶十一首

寄朗州徐負外

張枯

江嶺昔飄蓬人間值俊雄
關西今孔子城北舊徐公
清夜游何處良辰此不同
傷心幾年事一半在湖中

贈薛鼎臣侍御

前人

一命前途遠雙曹小邑閑
夜潮人帶集作到郭春霧鳥啼山
淺瀨橫沙堰高巖峻石班
不堪曾倚棹猶復夢昇攀

寄盧載

前人

故人盧氏子十載曠佳期
少見雙魚信多聞八米詩
侏儒

他甚飽款段爾應羸勿謂今劉二相逢不熟槌

寄靈澈上人 此詩已見二百二十三卷

前人

投常州從兄中丞

前人

扁舟何所往言入善人邦舊愛鵬搏海今聞虎渡江土
因為政藥儒為說詩降素履水容靜新詞玉韻縱金魚
聊解帶畫鷁稍移椿邀妓思集作促逃席留賓命倒缸吏材
誰是伍經術世無雙廣廈當宏構洪鍾併待撞成龍須讓
邴展驥莫先龐應念宗中末秋螢照一牕

贈淮南將

前人

年少好風情垂鞭毗睚行帶金師子小裘錦麒麟
擗棟匠裝銀鐙堆錢買鈿箏李陵雖効死時論亦輕生

寄獻蕭相公

前人

東去江干集作山是勝遊鼎湖興集作相望不堪愁謝安近日

違朝旨傳說當時允帝求暫向聊城飛一箭長為滄海繫
扁舟分明此事無人見白首相看未肯休

贈龐鍊師

李洞

家住涪江漢語嬌一聲歌曼玉樓簫睡融春日柔金縷
發秋霞戰翠翹兩臉酒醺紅杏妬半胃酥嫩白雲饒若能
携手隨仙令皎皎銀河渡鵲橋

述懷二十韻獻覃疑相公

前人

帝夢求良弼生身屬聖明青雲縣器業白日貫忠真一作精
靄靄隨春動忻忻共物榮靜宜浮競息坐覺好風生萬國
聞應躍千門望盡傾瑞寒揚柳色氣變管絃聲百辟尋知
度三階正有程魯儒窺蘊藉周誥美和平碧水遺幽抱朱
絲寄遠情風流秦印綬儀表漢公卿忠謹期登用回邪自
震驚雲開長劍倚路絕一峰橫九野方無事滄溟本不爭

國將身共計心與衆爲城早晚中條下紅塵一顧清南潭
容伴鶴西笑忽遷鶯折樹恩難報懷仁命甚輕二年猶困
辱百口望經營未_{疑作}在英侯選空勞短羽征知音初_{疑作}相
國從此免長鳴

感知上刑部鄭侍郎

前人

寄掩白雲司蜀都高臥時隣僧點寒竹宿鳥動秋池帝誦
嘉蓮表人吟寶劍詩石渠流月斷畫角截江吹閑出黃金
勒前飛白鷺鷺公心外國說重望兩朝持淨蘚斜圭影孤
惚響錫枝與幽松雪見心苦硯冰知綠杖蟲聲切過門馬
足遲漏殘終卷讀日下大名垂平磧容鷗上仙山許狃窺
數聯金口出死免愧丘爲

感恩書事上鳳翔舉義司徒相公

前人

積雪峯西遇獎稱半家寒骨起溝塍鎮時賢相回人鏡報

德慈親點佛燈受鉢已聞諸國靜坐籌重見大河澄功居
第一圖烟閣依舊終南蒲杜陵

上司空負外

前人

禪心高靜似踈慵閑客經過不歇重藤杖幾携量積雪玉
鞭曾把數高峯夜眠古卷_{疑作}當城月杖直清曹入省鍾禹
鑿故鄉歸未得河聲聒老兩三松

春日書事寄一二知己

前人

浴馬池西一帶泉開門物境似林川朱衣映竹人歸縣白
道遺泥鶴上天索米夜燒風折木無車春養雪藏鞭摺紳
處士知章句忍使孤窓枕淚眠

廢寺閑居寄懷三罷省歸郎 前人

貧居廢廟冷吟烟無力爭飛類病蟬槐省老郎蒙主弃月
陂_{一作}孤客望誰憐稅房兼得調猿石買地仍分浴鶴泉

處世堪驚又堪愧一坡山色不言錢

贈昭應沈少府

前人

行宮接縣判雲泉袍色雖青骨且仙鄴杜憶過梨栗寺
瀟湘曾掉雪霜天華山僧別留茶鼎渭水人來鎖釣船東
送西迎終幾考新詩覓得兩三聯

贈高僕射自安西赴闕

一作贈功臣

前人

征蠻破虜漢功臣提一作携劍歸來萬里身閑倚凌烟金柱
看形容惆悵一作消瘦老於真 一作皆絕句詩選

將謁商州李

集作

郎中道出楚州獻章

集作

中丞

方干

江流盤復直浮掉出家林商洛路猶遠山陽春已深青
雲應可望白髮未相侵才小知難薦終勞許郭心

贈江南僧

前人

忘機室亦空禪與沃洲同唯有半庭竹能生竟日風思山
海月上出定印香終繼後傳衣者還須立雪中

贈葉尊師

此詩已見二百二十九卷

前人

寄于少監

前人

修持精集作清苦振家聲衆鳥那知一鷄情躡履三千皆後
學搏風九萬即前程名將日月同時朽身是山河應世集作
生從此雲泥更懸閣演公集作漁翁不合見公卿

寄李頻

前人

衆木又遙落望君還不還軒車在何處雨雪滿前山思苦
文星動鄉遙釣渚閑明年見名性唯我獨何顏

寄普州賈司倉島

前人

亂山重復疊何處集作路訪先生豈料多才者空垂不第集作
名閑曹猶得醉薄俸亦勝耕莫問吟詩石年年芳草平

中路寄喻鳧先輩

前人

求名如未遂白首亦難歸送我罇中集作前酒典君身上衣
寒蕪隨楚盡落葉渡淮稀莫笑集作歎干時晚前心豈便非

暮冬書懷呈友人

前人

空爲梁甫吟誰竟是知音風雪生寒夜鄉園來疑舊心滄
江孤棹迴白閣一鍾深君子久忘我此懷甘自沉

東溪別業寄吉州段郎中

此詩見三百十八卷

前人

獻王大夫

前人

都緣聲價振皇州高臥中條不自由早赴急徵來鳳闕常
陪內宴醉龍樓鏘金五字能援筆釣玉三年信直鈞必恐
借留應不得集作終不遂越人相顧已生集作先愁

上集作贈處州段郎中

前人

幸見仙才領郡初郡城孤峭似仙居林集作杉蘿色裏登臺

閣瀑布聲中閱簿書德重自將天子合情高元與世人疎
寒潭是處深集作清連底賓席何心望食魚

茅山贈高集作洪拾遺

前人

聖代諫臣停諫舌求還集作歸故里傲雲霞溪頭講樹遺集作纜

漁艇篋裏朝衣盡集作輸酒家但愛身閑辭祿俸那憐歲

計在桑麻我來幸與諸生異問答時容近絳紗

上越州楊嚴中丞

前人

連枝棣萼世無雙未秉洪鈞擁大邦折桂早聞推獨步分
憂暫輟過重江晴尋鳳沼雲中樹思遠稽山枕上牕試把
十年辛苦志問津求拜碧油幢

獻王大夫

前人

高情不與俗人知耻學諸生取桂枝荀宋五言行世早巢
由三詔出溪邊大夫佳句去珠箔卷繁星金樽瀉明月行於世操心已在精微域落

筆皆成典誥詞一鷄雞成鷺雀伍非熊本是帝王師賢
臣雖蘊經邦術明主終無諫獵時莫道百僚憂禮絕兼聞
七郡怕天移直緣才力頭頭贍專被文星步步隨不信
重言通造化須臾便可變榮衰

謝王大夫奏表

前人

非唯言下變榮衰大海可傾山可移如剖夜光歸暗室
似驅春氣入寒枝死灰到底翻騰焰朽骨隨頭却長肥
便殺微躬復何益生生成思重報無期

處州獻盧負外

前人

總下輶車即歲豐方知盛德與天通清聲漸出寰瀛外喜
氣全歸教化中落地遺金終日在經年滯獄當時空直
緣後學無功業不慮文翁不至公

贈李郢端公

前人

非唯孤峭與飛動集作絕吟處斯須能變通物外搜羅添
集作大雅毫端剪削有餘功山川正氣侵靈府雪月清輝
引思風別得人間上昇術丹霄路在五言中

贈趙常六韻

集作贈趙崇侍御

前人

貴達合逢明聖日風流又及少年時才因出衆人皆嫉
勢欲摩霄自不知迢遞集作早年聞苦節從容此日見
清規却教鸚鵡呼挑葉便遣殫娟唱竹枝閑話篇章停
燭久醉迷歌舞出花遲雲鴻別有徊翔便應笑啁噍集作鷺雀

山中言事八韻寄李支使

前人

豈知經史深相悞兩鬢垂絲百事休受業幾多爲弟子成
名一半作公侯前時射鵠徒拋箭此日求魚未上鈎竹裏斷
雲來枕上巖邊片月在床頭過庭急雨和花落遠舍澄
泉滯葉流緬想遠書聆鵲喜窺尋嘉果覺猿偷舊詩

改處空留韻新醞甞來不滿菊阮瑤如能問寒餒風光
當日入滄洲

山中言事寄贈蘇判官

集作出山
寄蘇從事

前人

寸心似火頻求薦兩鬢如霜始息機隔岸鷄鳴春耨去隣
家犬吠夜漁歸倚松長嘯成集作宜踈拙拂石歌眠絕是非
執爨縱曾炊橡實紉針爭解補荷衣常憑早月來張燭
亦假清風爲掩扉多是集作謝元瑜憐野賤時迴車馬發光輝

寄台州孫從事百篇登第初授華亭尉 前人

聖代科名酬志業山川秀色助神機梅真入仕提雄筆阮
瑤從軍着綵衣晝寢不知山雪積春遊應越集作趣夜潮歸
想思莫訝音書絕鳥去猶須累日飛

贈孫百篇

前人

御題百首思縱橫半日工夫舉世名羽翼便從吟處出珠

璣續向筆端生莫嫌黃綬官資小必料青雲道路平才子
風流復年少無愁高臥不公卿

贈會稽張少府

前人

高節何曾似任官藥苗香潔備常餐一分酒戶添應集作猶
得五字詩名隱即難笑我無媒成集作生鶴髮知君有夢集作意

憶漁竿明年莫遣集作便還家去鏡裏雲山且共看

代佳人寄翁參樞先輩

李白

等閑經夏復經寒夢裏驚嗟豈暫安南國風光當世少
西陵波浪過江難周旋小字挑燈讀重疊遙山隔霧看直是
爲君食不得書來莫說更加餐

此詩總目及李集皆不
載惟英華諸本有之

長沙春望寄涪陽故人

李羣玉

清明前集作別後雨晴時極浦空頻一望眉湖畔春山煙點點
雲中遠樹墨集作黑離離依微水戍聞疎鼓掩映河橋集作沙村

見酒旗風暖草長愁似醉行吟無處寄相思

望月寄人

集作懷友

前人

浮雲卷盡看瞳朧直出滄溟上碧空盈手冰

集作水

光寒不

濕流天素彩影集作靜無風酒花蕩漾金罇裏掉影飄颻

玉浪中川路正長難可越美人千里思何窮

辱綿州于中丞書信

前人

一絨垂露到雲林中有孫陽念驥心萬木自凋山不動百

川空集作皆旱水集作海長深風標想見瑤臺鶴詩韻如聞淥

水琴他日縱陪池上酌已應難到暝猿吟

渴疾漸加酒戶日減

寄長沙許侍御

前人

二集作三年文會許追隨和遍南朝雜體詩未以絲毫還郭

璞乞留殘錦與丘遲竹齋琴酒歡成夢水寺煙霞想

集作賞

對誰今日秋風蒲湘浦只令集作應搔首詠瓊枝

寄張枯

枯亦未面頰寄聲相聞

前人

越水吳山任興行五湖雲月掛高情不遊都邑稱平子只向

江東作步兵昔歲芳聲到童稚老年佳句遍公卿如君氣力

波瀾地留取陰何沈范名

寄友人

前人

野水晴山雪後時獨行村路更相思無因一向溪橋醉處處

寒梅映酒旗

寄兵部任晚郎中

陳陶

常思劍浦越清塵苴菹花紅十二春崑玉已成廊廟器澗松

猶是薜蘿身雖同插抽依南土終愧魁罡近北辰好向昌

時薦遺逸莫教千古弔靈均

贈江南西從事張侍郎

疑作御

前人

平南門館鳳凰毛二十華軒立最高幾處談天致雲雨早

時文海得鯨鰲姻聯紫府蕭愔貴職稱青錢繡服毫
江徼無虞才不展可疑杯終日詠離騷

贈温州韓使君

前人

康樂風流五百年永嘉鈴閣又登閑嚴城鼓動魚驚海華
屋搏開月下天內史筆鋒光按牘隄陵詩句滿山川今來誰
似韓家貴越絕麾幢鴈影連

閑居寄太學盧璟博士

前人

無路青冥奪錦袍耻隨黃雀住蓬蒿碧雲夢後山風起珠
樹詩成海月高久泥鼎書求羽翼未忘龍闕致波濤閑來長得
留侯癖羅列楮梨校六韜

贈漳州張怡使君

前人

舊德徐方天下聞當年熊軾繼清芬井田異政光蠻竹符
節深恩隔瘴雲已見嘉祥生北戶嘗嫌夷貊蠹南薰幾時

徵拜征西越學着縵胡從使君

贈容南韋中丞

前人

普寧都護軍威重九驛梯航壑要津十二銅魚尊畫戟三
千犀甲擁朱輪風雲已靜西山寇閣井全移上國春不獨來
蘇發歌詠天涯半是泣珠人

投贈福建路羅中丞

前人

越艷新謠不歇聽樓船高臥靜南溟未聞達水窺龍劍應
喜家山接女星三捷摺摸光典策一生封爵笑丹青皇恩
幾日西歸去玉樹扶疎正滿庭

贈江南李偕副使

前人

世祿三朝豎鳳池桂陵公子漢庭知雷封始賀棠溪劍花府尋
邀玉樹枝幾日坐談誅叛逆列城歸美見歌詩從軍莫厭
千場醉即是金鑿寵命時

賀容府韋中丞天府賢兄新除黔南經略 前人

蓬瀛簪笏舊聯行紫極差池降寵章列國山河分鴈序一門
金玉盡龍驤耿家符節朝中美袁氏芝蘭閩外香烽戍悠
悠限已越佇聽歌詠兩甘棠

祝疑 贈江西東大夫

前人

否極生大賢九元降靈氣獨立正始風蔚然中興瑞濔淪
照三古磊落涵涇渭真貌月懸秋雄詞雷出地具瞻先皇
寵歆踐東華貴咫尺時不來千秋鼎湖淚因分三輔職進
領南平位報政黃霸慙觀兵呂蒙醉歲星臨斗牛水國嘉
祥至不獨蒼生蘇仍兼六駟喜恭聞廟堂略歆斷匈奴臂
剗釋自宸衷平戎在連帥時康簪笏冗世梗忠良議丘壑
非無人松香有私志三朝倚天劍十萬浮雲騎可使河曲清
即疑作 公信兒戲滄溟用謙德百谷走童稚禦衆付深

人叅籌湏偉器他年蓬葦賤願附鴛鴦翅

旅次銅山途中先寄温州韓使君 前人

亂山滄海曲中有橫陽道東馬過銅梁茗華坐堪老鶴鳴
高崖裂熊鬪深樹倒絕壑無坤維重林失蒼昊躋攀寡
儔侶扶接念輿阜俛仰慄歎空無因掇靈草梯窮問戎鼓
魂續賴立禱敬豁天地歸縈紆村落好悠悠思蔣徑擾擾
愧商皓馳想永嘉侯應傷此懷抱

文苑英華卷第二百六十二

登仕郎胡柯鄉貢進士彭叔夏校正

文苑英華卷第二百六十三

詩一百十三

寄贈十七

李商隱二首

薛逢三首

姚鵠十四首

項斯三首

趙嘏二十八首

馬戴十一首

及第東歸次灞上却寄同年

李商隱

芳桂當年各一枝行期未分墜春期江魚朔鴈長相憶秦
樹高雲自不知下苑經過勞想像東門追集作送錢又差池
灞陵柳色無離恨莫枉長條贈所思

飲席代官妓贈兩從事

前人

新人橋上着春衫舊主江邊側帽簷願得化為紅綬帶許
教雙鳳一時銜

伏聞令公疾愈對見延英因有賀詩遠封投獻

薛逢

吉語云云海外傳令公疾愈起朝天皇風再扇寰區內人
鏡重開日月邊光啓四門通壽域深疏萬頃漑情田陪臣
自訝迷津久願識方舟濟巨川

題劍門先寄上西蜀司徒杜公 前人

峭壁橫空限一隅劃開元氣建洪樞梯航百貨通邦計
鍵閉諸蠻屏帝都西蹙犬戎威北狄南吞荆郢制東吳千
年管鑰誰銘範只自先天造化爐

北亭醉後叙舊贈東川陳書記 前人

二十年前事盡空半隨波勢半隨風謀身喜斷韓鷄尾辱
命羞携楚鶴籠符竹謬分綿水外妻孥猶隔散關東臨
歧莫恠朱絃絕曾是君家入夔桐

塞外寄張侍御 姚鵠

千里入黃雲霸愁日日新疎鍾閣路曉遠雨塞山春南眺

有歸鴈北來無故人却思陪宴處迴望與天隣

以下十四篇並見集本

寄贈許璋 集作璋 少府 前人

若說君高道何人更得如公庭唯樹石生計是琴書詩句
峭無敵文才清有餘不知尺水內爭滯北溟魚

寄雍陶先輩 前人

知音杳何處書札寄無由獨宿月中寺想思天畔樓
露凝衰草白螢度遠烟秋悵望難歸枕吟勞生夜愁

寄友人 前人

西風又開菊久客意如何舊國天涯遠清砧月夜多明時難
際會急影易蹉跎抱玉終須獻誰言念薜蘿

書情獻知己 前人

日日悵何窮巴雲舊隱 集作望 空一爲棲寓客三見北歸鴻
有道期攀桂無門息轉蓬賃居將磬比乞食與僧同花月

登臨處江山恨望中衆皆輕病驥誰肯救焦桐坐惜春還
至愁吟夜每終谷寒思變律葉晚怯回風謁蔡慙王粲憐
衡冀孔融深恩如集知尚在何處問窮通

感懷陳情

前人

恩重空感激何門誓殺身謬曾分玉石竟自困風塵陰谷
非因煖幽叢豈望春外沉在言下應念異他人

早魚詞上苗相公

前人

似龍鱗已足唯是欠登門日裏腮猶濕泥中目未昏乞銀
防蠹穴望水瀉金盆他日能爲兩公田報此恩

將歸蜀留獻恩地僕射二首

前人

自持衡鏡採幽沉此事常聞曠古今危葉只將集作終委
地焦桐誰料却爲琴蒿萊集作詎報生成德犬馬空懷感戀
心明日還家盈眼血定應迴首即沾襟

二

江上長思狎釣翁此心難與昨心同自承丘嶽新恩重已分
煙霞舊隱空龍變偶因資巨浪鵬飛誰肯借高風應憐
死節無門効冰炭潛憐集作永歎潛懷逐轉蓬

襄州獻盧尚書

前人

立事成功盡遠圖一方獨與萬方殊藩臣昔競師兵略相
國今多揖廟謨禮樂政行凋弊俗歌謠聲徹帝王都即隨
鳳詔歸何處祇是標持造化鑪

隨州獻李侍御二首

前人

彩筆曾專造化權道尊翻向宦途閑端居有地惟栽藥
靜坐無時不憶山德望舊懸霄漢外政聲新溢路岐間衆
知聖主搜賢相朝夕欲徵黃霸還

二

再則未甘何處說但垂雙淚出咸秦風塵匹馬來千里蓬
梗全家望一身舊隱每懷空竟夕愁眉不展幾經春今朝
儻降非常顧倒屣寧惟有古人

號州獻揚抑卿二首

前人

蓋世英華更有誰賦成傳寫徧坤維名科累中求賢日
苦節高標守群時樓上叫雲秋鼓角林間宿鶴夜旌旗徵
歸詔下應非久德望人情在鳳池

二

碧山曾共惜分陰暗學相如賦上林到此敢踰千里恨歸
家且遂十年心踈愚只怯膺門險淺薄爭窺孔室深一顧
儻憐持苦節更令何處問升沉

贈金州姚合郎中

項斯

爲郎名更重領郡是蹉跎官筆題詩盡衙庭看鶴多城池

連竹塹籬落帶椒坡未學旌旆閑行觸處過

寄江南親故

前人

古巷槐花合愁多晝掩扉猶存過江馬強拂看花衣送客
身先醉尋僧晚未歸龍鍾易惆悵莫遣寄書稀

獻令狐相公時相公郊壇行事迴

前人

鷄在卿雲冰在壺代天才業本許謨榮同伊陟傳朱戶秀
比王商入畫圖昨夜星辰迴劍履前年風月滿江湖不知機
務時多暇還許詩家屬和無

贈越客

趙嘏

故國波濤隔明時心久留獻書雙闕晚看月五陵秋南棹
何當返長江憶共遊定知釣魚伴相望在汀洲

贈李祕書

前人

東帶臨一作隨風氣調新孔門才業獨誰倫杉松韻冷一作靜

雪溪暗鸞鶴勢高天路春美玉韞來休問價芳技攀去正
無塵莫將去閣輕科第須作人間一作詞場第一人

寄歸

前人

三年踏盡化衣塵又在集只在作見長安不見春馬過雪街天未

曙鄉迷關路淚空頻桃花塢接帝掖寺野竹亭通畫鷁津

早晚相酬身事了水邊歸去一閑人

關路集作雲樹

迴於道中寄舒州李珣相公 前人

都無鄙悵隔塵埃昨日丘門避席來靜語乍臨清廟瑟披

風如在九層臺幾煩命效浮溪掉再許論詩駐酒盃從此

微誠知感戀七真台上望三台

再許集作每許台上集作潭畔

舒州獻李相公 前人

野人留得五湖船丞相與歌郎國年醉筆倚風飄澗雪靜

襟披月坐樓天鶴歸華表山河在氣返青雲雨露全聞說

萬方思舊德一時傾望重陶甄

獻淮南李相公 前人

傳巖高靜見台星廟略當時討不庭萬里有雲歸碧落

百川無浪到滄溟軍中老將傳兵術江上諸侯受政經聞道

國人思再入鎔金新鑄鶴儀形

成名年獻座主僕射兼呈同年 前人

拂烟披月羽毛新千里初辭九陌塵曾失玄珠求罔象不

將雙耳負伶倫賈嵩詞賦相如手揚乘歌篇李白身除

却今年仙侶外堂堂又見兩三春

歲暮江軒寄盧端公 前人

積水生高浪長風自北時萬艘俱擁棹上客獨吟詩路以

重湖阻心將小謝期渚雲愁正斷江鴈重驚悲笑憶遊星

子歌尋罷貴池夢來孤島在醉醒百憂隨戍迴烟生晚

江寒鳥過遲問山樵者對經雨釣船移敢嘆今留滯猶勝
曩別離醉從陶令得善必大人知道蹇才何取恩深劍不疑
此身同岸柳只待變寒枝

杼懷上歙州盧中丞宣州杜侍御 前人

東來珠履與旌旗前者登朝亦一時竹馬迎呼逢稚子栢
臺長告見男兒花飄舞袖樓相倚角送歸軒客盡隨獨有
賤天懷感激十年兩地負恩知

山陽韋中丞罷郡因獻 前人

笙歌只是舊笙歌腸斷風流奈別何煦物二年春色在感
恩千室淚痕多盡將魂夢隨西去猶望旌旂暫一過今日
樽前無限思萬重雲月隔煙波

山陽即席獻裴中丞 前人

早年天上見清塵今日樓中醉一春暫首剖符臨水石幾

曾焚筆動星辰瓊臺雪映迢迢鶴蓬島波橫浩浩津
好是仙家羽衣使欲教垂涕問何人

西峰即事獻沈大夫 前人

松竹閑遊路道身衣襟落盡往來塵山連謝宅餘霞在水
應琴雞疑舊浪春拂榻從容今有地酌思寂寞久無人安
知不及屠沽者曾對青萍淚滿巾

杜陵貽杜牧侍御 前人

紫陌塵多不可尋南溪酒熟一披襟山高畫枕石床穩泉
落夜認煙樹深白首逢人嗟問計青雲無路覓知音唯
君懷抱安如水他日門牆許醉吟

下第後上李中丞 前人

落第逢人慟哭初平生志業欲何如鬢毛衰盡一枝桂淚
血滴來千里書谷外風高催羽翮江邊春在憶樵漁唯應

感激知恩地不待功成死有餘

浙東贈李副使負外

前人

妙盡戎機佐上台少年清苦自霜臺馬嘶深竹閑宜貴花
拂朱衣美稱才早入半緣分務重晚吟多是看山迴名高
漸少翻飛伴幾度煙霄獨去來

寄淮南幕中劉負外

前人

郎官何遜最風流愛月憐山不下樓三佐戎旃換朱紱一
辭蘭省見清秋桂生巖石本瀟灑鶴到烟空更自由休
向西齋久閑卧滿朝傾蓋是依留

宛陵寓居上沈大夫二首

前人

滿耳歌謠滿眼山宛陵城郭翠微間人情已覺春長在
溪戶仍將水共閑曉色入樓紅靄靄夜聲尋砌碧潺潺
幽雲高鳥俱無事晚伴西峰醉客還

二

溪樹參差綠可攀謝家雲水滿東山能忘天上他年貴
來結林中一日閑醉叩玉盤歌裊裊暖鳴幽澗鳥閑閑
鼉不盡須歸去路在春風縹緲間

淮信賀滕邁台州

前人

周蔡民思太古風上賢綏緝副宸衷舟移清鏡禹祠北
路轉翠屏天姥東旌旆影前橫竹馬詠歌聲裏樂樵
童遙知到郡滄波晏三島離離一望中

獻秘書元少監

前篇作三象酬元少監已見二百三十八卷

前人

聲畔

前篇作聲裏

樹晚

前篇作樹合

巖空

前篇作微空

重迴

前篇作開迴

薛廷範從事自宣城至因贈

前人

少年從事霍嫖姚來自楓林度柳橋金管別筵樓灼灼玉
溪迴首馬蕭蕭清風氣調真君輩知己風流滿聖朝獨

有故人愁歎死晚簷疎雨動空瓢

寄潯陽趙校書

前人

簾下秋江夜影空倚樓人在月明中不將行止問朝列唯
脫衣裳與釣翁幾處別巢悲去鷺十年迴首送歸鴻那
應更結廬山社見說心閑勝遠公

贈李從貴

前人

白馬嘶風何處還鞭梢拂地看南山珠簾捲盡不迴首春
色欲闌休閉闌花外鳥歸殘雨暮竹邊人語夕陽閑知君
舊隱嵩雲下巖桂從今幾更攀

下第寄宣城幕中諸公

前人

一醉曾將萬事齊暫陪歡去便如泥黃花李白墓前草碧
浪桓彝宅後溪九月霜中隨計吏十年江上灌春畦莫言
春盡不惆悵自有閑眠到日西

贈陳正字

前人

魯儒今日意何如名挂春官選籍初野艇幾曾尋水去故
山從此與雲疎吟憐受露花陰足行覺嘶風馬力餘聞說
晚心心更靜竹間依舊卧看書

洞庭寄所思

前人

目斷蘭臺空望歸錦衾香冷夢來稀書中自報刀頭約
天上三看破鏡飛孤浪謾疑紅臉笑輕雲忽似舞羅衣遙
知不語坐相憶寂寞洞房寒燭微

代人贈杜牧侍御

前人

即作東臺御史時妾長西望劍雙眉一從詔下人皆羨豈
料恩衰不自知高闕如天縈曉夢華筵似水隔秋期坐來
情態猶無限更向樓前舞柘枝

寄遠

前人

禁鍾聲盡見棲禽
閑塞迢迢故國心
無限春愁莫
相問落花流水洞房深

冬日寄河中楊少尹

馬戴

洪河岸木衰城下
度凌斯年長從公
懶天寒入府遲家
山登幾徧魏闕赴
何時懷古心誰識
應多謁舜祠

到山寄戶部姚員外

前人

朝與城闕別暮同
麋鹿歸鳥鳴松觀
靜人過石橋稀
木葉搖山翠泉痕
入澗扉敢招仙署
客暫此拂朝衣

寄金州姚使君員外

前人

老懷清淨化乞去
守洵陽廢井人應
滿空林虎自藏迸
泉竦石窺誤殘雨發
椒香山缺通巴峽
江流帶楚檣勸農
生野思禱廟結雲
裝覆局松移影聽
琴月墮光鳥鳴開
郡印僧去置禪床
罷貢金休鑿凌寒
笋更長退公披鶴
氅高步隔

鵷行相見朱門內
麾幢拂曙霜

夕發邠寧寄野從事

前人

半酣走馬別別後
鎖邊城日落月未
上鳥棲人獨行方
馳故國戀復愴長
年情入夜不能息
何當聞此生

贈北客

前人

君生遊俠地感激
氣何高飲盡玉壺
酒贈留金錯刀鴈
關飛霰雪鯨海落
雲濤波去如征鳥
離心空自勞

長安寓居寄賈島

前人

歲暮見華髮平生
志半空孤雲不我
弃歸隱與誰同在
羨紫宸竭疑作妨
栽丹桂叢何如隨
野鹿栖止在林中

贈別江客

前人

湘中有岑兗君坐
挂帆過露細蒹葭
廣潮迴島嶼多汀
洲迴夕照楓葉墮
寒波應便同漁生
涯許釣歌

贈揚之果先輩

前人

平生閑放久野鹿許為羣居止隣西嶽軒窗度白雲齋
心飯松子話道接茅君漢主清淨休書諫獵文

贈鄆縣尉李先輩二首

前人

同人家鄆杜相見罷官時野坐苔生石荒居菊入籬聽
墀臨水久送鶴背山逢未擬還成闕溪僧別有期

二

休官不到闕求靜匪營他種藥唯愁晚看雲肯馱多渚
邊逢鷺下林表伴僧過閑檢仙方試松花酒自和

贈祠部令狐郎中

前人

官初執憲稱雄才省轉為郎雅望催待制松陰移玉殿
分霄露氣靜天臺筭棊默向孤雲坐隨鶴閑窮片水
迴忽憶十年相識日小儒新自海邊來

文苑英華卷第二百六十三

登仕郎胡 柯 鄉貢進士彭 叔夏 校正

代人贈杜牧一從集作恩衰不自知集作恩移 秋期

集作樓前集作即前

文苑英華卷第二百六十四

詩一百十四

寄贈十八

薛能十首

李頎七首

劉桀二首

皮日休三首

陸龜蒙四首

許崇六首

聶夷中三首

司空圖四首

鄭谷二十七首

杜荀鶴六首

周朴十一首

贈禪師 已見二百二十四卷

薛能

寄李頎

性直 集作直性

前人

長安千萬蹊迷者自多迷
性直身難達良時日易低
環簷消舊雪晴氣滿春泥
那得君同去遙峯苦愛齊

贈苗端公二首

前人

繁物近何如君才必有餘身歡步兵酒吏馮魯連書坐
默聞鞞吹庭班見雪初沉碑若果去一爲訪鄰居

二

至老不相踈斯言不是虛兩心宜一體同舍又鄰居曉角
秋砧外清鬼白月初從軍何有用未造魯連書

麟東寓居寄蒲中友人

前人

蕭條秋雨地獨院且同羣一夜驚爲客多年不見君邊
心生落日鄉思羨歸雲更在相思處子規燈下聞

寄河南鄭侍郎

前人

三峽與三壕門闌去夢勞細冰和洛水初雪洒嵩高大雅
何由接日 疑微榮疑已逃寒窓不可寐風地葉搔搔

獻僕射相公

前人

清如冰玉重如山百辟嚴趨禮絕攀強虜外聞湏一作破

膽平人長說

一作見

盡開顏朝廷有道青春好門館無私

白日閑致却垂衣更何事幾多詩句定

一作合詠

閑閑

一作皆百家詩選

蒙恩除侍御史行次華州寄蔣相公 前人

林下天書起道逃不堪移疾入塵勞黃河近岸陰風急仙
掌臨閑旭日高行野衆喧聞鴈發宿亭孤寂有狼嗥荀

家位極兼禪理應笑埋輪着所操

寄唐州揚郎中

前人

關雎憔悴一儒生忽把魚鬚事聖明貧得俸錢還下喜
晚登朝序却無榮前年佐蜀同樽俎此日邊淮獨旆旌班
列道孤君不見曲江春煖共僧行

塞上蒙汝州任中丞寄書

前人

三省推賢兩掖材關東深許稍遲迴舟浮汝水通淮去雨
出嵩峰到郡來投札轉京憂不遠枉緘經虜喜初開西樓

一望知無極更與何人把酒盃

長安投刑負外

李頌

所學近彫蟲知難望至公徒隨衆人後擬老一生中
間歲家書到經營世業空心懸滄海闕夢去白雲通玉漏
聲連北銀河氣極東閨門迢遞月禁苑沈寥鴻地廣身難
踖特平道獨窮蕭條苔長雨浙瀝葉從風久怯干朝客長
愁別釣翁拜投何忽敢言獎爲曾蒙舉善如無替垂恩
本有終霜天搖落日莫使逐飄蓬

秋日江上思歸

山中友人

前人

蕭條對秋色相憶在雲泉水落病身起湖平歸思懸涼
鍾山頂寺暝色渡頭船此地非吾土淹留又一年

贈喻坦之

前人

從容心自別飲水勝銜盃共在山中長相隨闕下來修身

空有道取事

疑作士

各無媒不信情平日終遺草野才

富春贈孫路

前人

天柱與天目曾把疑絕頂房青雲求祿晚白日坐家長井
氣通潮信窓風引海涼平生詩稱在老達亦何妨

江上居寄山中客

前人

山後與山前想思隔叫援殘雲收樹末返照落江源苦雨
秋濤漲狂風猛火翻朝來藥客遇我達君言

下第後屏居書懷寄侯侍御

前人

別足豈生良工隔千里故山彭澤上歸夢向汾水低催神
氣盡僕心亦恥未達誰不知達者多忘此行年忽已
壯去老年更幾功名如不彰身歿豈爲鬼纔看芳草歇
即嘆涼風起駉馬未來朝嘶聲尚在耳

寄遠

前人

槐欵成陰分袂時君期十日復金扉
槐今落葉已將盡君向遠鄉猶未歸
化石早曾聞節婦沉湘何必獨靈妃
須知此意同生死不學他人空寄衣

琪下因吟六韻呈先達者

劉駕

舉世愛嘉樹此樹何人識青疑秋遠山意偶向亭際得

奇柯交若鬪世業二字疑密如織塵中尚青葱更相塵

外色所宜巢三鳥影入瑤池碧移根豈無特一問紫烟客

長安抒懷寄知己

前人

歧路不在地馬蹄徒苦辛上國聞姓名不如山中人
火宅滿六街此身入誰門愁心日散亂又似空中塵
白露下長安百蟲鳴草根况當秋賦日却憶歸山村
靜女頭欵白良媒况我鄰無令苦長嘆長嘆銷人魂

宏詞不第感恩獻兵部侍郎

皮日休

分明仙籍列清虛自是還丹九轉疎
畫虎已成翻類犬登龍總變却為魚
空慙季布千金諾但負劉弘一紙書
猶有報恩方寸在不知通塞竟何如

暇日獨處寄魯望

前人

幽慵不覺耗年光犀柄金徽亂一床
野客共為賒酒計家人同作借書忙
園蔬預遣分僧料廩粟先教算鶴糧
無限高情好風月不妨猶得事吳王

吳中書事寄漢南裴尚書

前人

萬家無事鎖蘭橈松林集味腥多默紫薑江文通云水似棊文
交度郭柳如行陣作障儼遮橋青梅帶重初迎雨
白鳥羣高欵避潮唯望舊知憐此景松陵集得為傖鬼也逍遙

贈遠

陸龜蒙

茱萸匣中鏡欵照心還懶本是細膏人
別來羅帶緩從君

出門後不奏雲和管妾思冷如簧時特望君暖心期夢
中見路永鳧夢短怨坐泣西風秋窓月華滿

寄淮南竇

集依鄭書記

前人

記室千年翰墨孤唯君才力一作學似應徐五丁驅得神功
盡二酉搜來秘檢踈場帝帆檣留澤國淮王牋奏入班
書清詞醉草無因見但釣寒江半尺魚一作鱸

曉起即事因成回文五十六言寄皮日休先

葦

前人

平波送

一作落

月吟閑境

一作景

暗

暝浮煙思起人清露曉垂

花謝半遠風微動蕙抽新城荒上處樵童小石蘚分來宿
鷺馴晴寺野尋同去好古碑苔字細書勻

寄吳子華

前人

一夜秋聲入井桐數枝危葉怕西風霏霏晚砌烟葉疑上

浙浙踈簷雨款通君整輪蹄名未了我依雲鶴病相
攻到頭江畔從漁事織作中流萬疋洪

旅次滑臺投獻陸侍御

許棠

已是愁來日堪驚却背春天遙三楚樹路遠兩河人旅夢
難歸隱吟魂不在身霜臺歌豕次賴許信來頻

寄趙能卿

前人

我命同君命君詩似我詩俱無中道計各失半生期素業
滄江遠清時白髮垂蹉跎一如此何處卜栖遲

隴州旅舍書事寄李中丞

前人

三伏客吟過長安未擬還蛩驚秋不動鶯別思仍鬧亂
葉隨寒雨孤蟬起暮閨經時高枕外往來旆旌間

寄黔南李校書

前人

從戎巫峽外吟興更應多郡響蠻江漲山昏蜀雨過公筵

饒越客俗土尚巴歌中夜懷吳夢知經灑瀕波

寄盤屋薛能少府

前人

滿縣唯雲水何曾似近畿曉庭禽集慣寒曙吏衙稀水色封深澗樵聲在翠微時聞迎隱者依舊着山衣

寄陸州侯郎中

前人

下國多高趣終年半是吟潮濤通越分部伍雜閩音曉郭雲藏市春山鳥護林東浮雖未遂日日至中心

住京寄同志

日日先集作夜夜光

聶夷中

在京如在道日日先鷄起不離十二街日行一百里役役大塊上周朝復秦市貴賤與賢愚古今同一軌白兔落天西赤鷄飛海底一日復一日日無終始自嫌性如石不達榮辱理試問九十翁吾今尚如此

贈農

前人

勸爾勤耕田盈爾倉中粟勸爾無代桑減爾身上服清霜一委地萬草色不綠狂風一飄林萬葉不着木青春如不耕何以自拘束

客有進

疑嘆後時者作詩勉之

前人

後達多晚榮速得多疾傾君看構大厦何嘗一日成在煖須在桑在鮑須在耕君子貴弘道弘道無不亨太陽垂好光毛髮悉見形我亦二十年直似戴盆行荆山產美玉石石皆堅貞未必盡有玉玉且間石生精衛一微物猶恐填海平

弘道無不亨

集作道弘無不亨

長安贈王注

司空圖

正下搜賢詔多君獨避名客來當意愜花發遇歌成樂地留高趣權門讓後生東方御閑駟園外好同行

贈疑步寄李負外

前人

危橋轉溪路經雨石叢荒幽瀑下仙果孤巢懸夕陽病辭
青瑣祕心在紫芝房更喜諧招隱詩家有望郎

寄鄭人規

前人

清才鄭小戎標的貴遊中萬里雲無侶三山鶴不籠香和
丹地煖晚着絲衣風榮路期濟唯應在至公

寄考功王負外

前人

喜聞三字耗閑客是陪遊白鳥閑疑踈索青山日滯留
琴如高韻稱詩愧逸才酬更勉匡君志論思在獻謀

巴賓旅寓寄朝中從叔

鄭谷

驚秋思浩然信美向巴天獨倚臨江樹初聞落日蟬衰榮
悲往事漂泊念念多年未便甘休去吾宗盡見憐

以下二十六篇並見集本

寄題方干處士

前人

山雪照湖水漾舟湖畔歸松篁調遠籟臺榭發清輝野岫
分開徑漁家並掩扉暮年詩力在新句更幽微

寄獻湖州從叔負外

仁規

顧渚山邊郡溪將菴畫通遠看城郭裏一作外全在水
雲中西閣歸何晚東吳興未窮茶香紫笋露洲迴白蘋

風歌緩眉低翠杯明蠟剪紅政成尋往事輟棹問漁翁

寄膳部李郎中

昌符

鄴郊陪野步早歲偶因詩自後吟新句長愁減舊知靜
燈微落燼寒硯旋生澌夜夜冥搜苦那能鬢不衰

寄贈孫路處士

前人

平生詩譽更誰過歸老東吳命若何知己凋零垂白髮故
園寥落近滄波酒醒蘇砌花陰轉病起漁舟鷺迹多深
入富春人不見閑門空掩半庭莎

贈日東鑿禪師

已見二百二十四卷

前人

寄前水部賈負外

前人

謝病別文昌仙舟向越鄉貴為金馬客雅稱水曹郎白鷺同孤絮清波共渺芒相如辭賦外騷雅趣何長

贈文士王雄

前人

知己竟集作何人夫君尚苦辛圖書長在手文學老於身公道天難廢貞姿玉任貞小齋松菊靜願卜子為鄰

寄南浦謫官

前人

多才翻得罪天末抱窮憂白首為遷客青山遠萬州醉歌梅障曉歌厭竹枝秋望闕懷鄉淚荆江水共流

寄同年禮部趙郎中

前人

仙步徐徐整羽衣小儀澄澹轉中儀揮飄紅燼趨朝路蘭縱清香宿省時彩筆煙霞供不足繪一作圍鸞鳳訝來遲

自憐孤官誰相念禱祝空吟一作憑一首詩

寄贈楊夔處士

已見二百三十一卷

前人

寄慕容

前人

松窻揪局穩相顧思皆疑幾局賭山果一先饒海僧覆圖聞夜雨下子對秋燈何日無羈束期君向杜陵

寄察院李侍御

前人

古栢閣松篁清陰在印牀宿郊度點饌秋寺靜盥香參集行多揖一作風儀見即莊佇聞橫擘去唯集諫書囊

贈富平李華

集作

前人

夫君清且貧琴鶴最相親簡肅諸曹事安閑一境人陵山雲裏拜渠路雨中巡易得連宵醉千缸石凍春

偶懷寄臺院孫端公

前人

才拙道仍孤無何捨釣徒班雖超玉笋香不近金爐雨露

瞻雙闕煙波隔五湖唯君應見念曾共伏青蒲

丞相孟夏禮

集作祗

薦南郊紀獻十韻

鄭谷

節應清和後郊宮事繁羞至誠聞上帝明德祀圓立雅用

陶匏器馨非忝稷流就陽東盛禮匡國稱集作禘鴻休漸

晚蘭凝露微涼麥弄秋壽山橫紫閣瑞靄抱皇州外肅

通班序中懷納集作中嚴誓憂納慶優升集作奏歌三酒備表敬百神

柔池碧將還鳳原清再問牛萬方瞻輔翊共賀贊王猷

李夷遇侍御久滯水鄉因抒寄懷 前人

簪笏年何久懸帆興甚長江流愛吳越詩格愈齊梁竹

寺晴陰集作吟遠蘭舟曉集作曉泊香高閣徒自任華省待

為郎

寄贈藍田韋少府先輩 前人

王畿第一縣縣尉是詞人館殿非初意圖書是舊貧破冰

泉竇響賽雪廟松春自此升通籍清華日逼集作近身

聞所知遊樊川有寄 前人

誰無泉石趣朝下少同過貪勝覺程近愛閑經宿多片沙

留白鳥高木引青蘿醉把漁竿去殷勤籍岸莎

久不得張喬消息有寄 前人

天末去程孤泐淮復向吳亂離何處甚安穩到家無樹盡

雲垂野檣稀月滿湖傷心遠村落應少舊耕夫

九日偶懷寄在省張起居 前人

今節爭歡我獨閑荒臺盡日向晴山渾無酒泛金英菊謾

道官趣玉笋班深媿青莎迎野步不堪紅葉照衰顏羨君

官重多吟興醉帶天坡集作朱陵落照還

獻制誥揚舍人 前人

為郡東吳只飲冰瑣闥須降詔一作鳳書徵隨行已有朱衣吏

伴直多招紫閣僧
惓下調琴鳴遠水
簾前睡鶴背秋燈
葦陂竹塢情無限
閑話一作話毗陵問杜陵

獻大京兆薛常侍

前人

耻將官職集作業競前途
自愛篇章古不如
一炷香新開道院
數坊人靜集作聚避朝車
縱遊藉草花垂酒
閑臥臨窓鷺拂書
唯有明公賞新句
秋風不敢憶鱸魚

爲戶部李郎中與令李端公寓止渠州泝江寺偶作寄猷前人

退居蕭洒寄禪關
高挂朝簪淨室間
孤島暫集作雖留雙

鶴歇五雲爭放二龍閑
輕州共泛花邊水
野菽同登竹外山
仙署金闈虛位久
夜清應夢近天顏

賀新除左省韋拾遺

前人

初昇諫署是真仙
浪透桃花恰五年
垂白郎官居坐末
着緋人吏立堦前
百寮班定趨丹陛
兩腋風清上碧天
從此

追飛何處去金鑾殿與玉堂連

寄職方李負外

前人

曾袖篇章謁長卿
今來隨集作附鳳事
何榮星臨南省

陪仙步春蒲東朝接珮聲負外攝儲台官谷天獲攀接集作附談笑不拘先後禮
歲寒仍與集作契子孫情
龍墀仗下天街暖
共看圭峰竝馬行

寄顧雲

杜荀鶴

省得前年別蘋洲
旅館中亂離身不定
彼此信難通
侯國兵雖斂吾鄉業已空
秋來憶君夢夜夜逐征鴻

下第後寄池州鄭負外

前人

省得集作出蓬蒿修謁初
蒙知曾不見生疎
侯門數處將書薦
帝里經年借宅居
未必有詩堪諷誦
只憐無援過吹噓
而集作如今足得成持取
莫使江湖却釣魚

贈連集作溧水崔少府

前人

庭戶蕭條鷺雀喧日高窻下枕書眠只聞留客教沽酒
未省逢人說料錢洞口禮星披鶴氅溪頭吟月上漁舸九華
山叟心相許不計官資集作贈一篇

贈李鐔

鐔自維揚避亂東入中山

前人

君行君文天合知見君如此我傷

集作

悲祗殘三口兵戈

後纔到孤村雨雪時着臥衣裳難辦洗旋求良食莫供
炊地爐不暖柴枝濕猶把蒙求授小兒

贈僧

已見二百二十四卷

前人

宿藥城驛却寄常山張書記

前人

一更更盡到三更吟破離心句不成數樹秋風滿庭月憶君
時復下堦行

寄處士方干

周朴

桐廬江水闊終日對柴関因想別離處不知多少山釣舟

春岸泊庭樹晚鷺還莫便求棲隱挂枝堪恨顏

寄塞北張符

前人

隴樹塞風吹遼城角幾枝霜凝無暫歇君貌莫應衰万
里平沙際一行邊鴈移那堪朔煙起家信正相離

次梧州却寄永州使君

前人

隨風一作雲身不定今夜到蒼梧客淚有時有猿聲無處
無潮添瘴海濶煙拂太山孤却憶零陵住吟詩半玉壺

贈念經僧

前人

庵前古折碑夜靜念經時月皎海霞散露濃山草垂
鬼聞拋故塚禽聽離寒枝想得天花墜馨香拂白眉

春日遊北園寄韓侍郎

前人

灼灼春園曉色分露珠千點映寒雲多情舞蝶穿花去
解語流鶯隔水聞冷酒杯中宜泛灩暖風林下自氛氲仙

挑不肯全開折應惜餘芳待使君

贈大瀉和尚

前人

大瀉清復深萬象影沉沉有客衣多毳空門偈勝金
王侯皆作禮陸子只來吟我問師心處師言無處心

秋夜不寐寄崔溫進士

前人

愁多難得寐展轉讀書牀不是旅人病豈知秋夜長歸
鄉憑遠夢無夢更思鄉枕上移窻月分明是淚光

春日途中寄南巴崔使君

前人

旅人遊汲汲春氣又融融農事蛙聲裏歸程草色中
獨慙出谷雨未變暖天風子玉和余去應憐恨不窮

喜賀拔先輩衡陽徐正字

前人

黃紙晴空墜一緘聖朝恩澤洗冤讒李膺門客爲閑客
梅福官銜改舊銜名自石渠書典籍香從芸閣着衣衫囊中

不用憂天旱霖雨看看屬傳巖

容州賃居寄蕭郎中

前人

和店茅軒向水開東頭舍賃一徘徊窻吟苦爲秋江靜挑

夢驚因曉角催隣舍見愁賒酒與主人知去索錢來眼看
白筆爲霖雨肯使紅鱗便曬腮

贈李裕先輩

前人

曉擎弓箭入初場一發曾穿百步揚仙籍舊題前進
士聖朝新奏校書郎馬疑金馬門前馬香認芸香閣
上香閣伴李膺紅燭下慢吟絲竹淺飛觴

登仕郎胡 柯 鄉貢進士彭 叔夏 校正

文苑英花卷第二百六十五

詩一百十五

寄贈十九

韓琮二首

羅鄴四首

高極一首

喻坦之三首

張喬八首

王貞白二首

黃滔六首

張蠙六首

揚夔一首

羅隱十七首

王穀一首

曹松二首

沈顏一首

裴說五首

唐彥謙六首

李山甫一首

晚春江晴寄友人

韓琮

晚日低霞綺青山遠畫眉青春

絕句詩選
作青春

河畔草不是望鄉時

秋晚信州桂院親交或責無書即事寄答 前人

官信安仁拙書非叔夜慵謬馳驄馬傳難附鯉魚封萬里
勞何補千年運忝逢不量橫草力虛慕入雲蹤絮水空澄
鑑持鈔亦礪鋒月寒深夜挂霜凜近秋松憲摘無逃魏寃申
得夢馮閔貍將挾虎織蠶敢虞蜂商吹移砧調春華改
鏡容歸期方畹積愁思暮山重仙鼠猶驚鷺莎雞欲變
蛩唯應碧湘浦雲落及芙蓉

聞友人入越幕因寄之

羅鄴

稽嶺春生酒凍銷煙鬟舊袖恃嬌饒峰邊聚雪晴香老
波上長虹晚影搖正哭阮途歸未得更聞江筆赴嘉招人間
榮悴真堪恨坐想征軒鬢未凋

途中寄友生

前人

秋庭悵望別君初折柳分襟十載餘相見或因中夜夢寄
來多是隔年書携樽座外花空老垂釣江頭柳漸疎裁得

詩憑千里鴈吟來寧不憶吾廬

赴職單于留獻所知

前人

職忝翩翩逐建牙笈隨征騎入胡沙定將千里書憑鴈應
看三春雪似花年長有心終報國時清到處便營家逢秋
不擬同張翰爲憶鱸魚却嘆嗟

下第書懷寄友人

前人

清世誰能辨陸沉相逢休作憶山吟若教仙桂在平地
更有何人肯苦心去國漢妃還似玉亡家石氏豈無金且安
懷抱休惆悵琴瑟調高樽酒深

辨陸沉

辨又玄
集作便

琴瑟

又玄集
作瑶瑟

及第後贈試官

高極

公子求賢未識真欲將毛遂比常倫當時不及三年客
今日如何十九人

陳情謹獻中丞

喻坦之

孤拙竟何營徒希折挂名始終誰肯薦得失自難明貢
乏雄文獻歸無瘠土耕滄江長發夢紫陌久慙行意縱
求知切才唯懼鑿精五言非琢玉十載看遷鶯進取心甘
傷嗟骨每驚痕疑襟痕積淚客鬢白薪莖顧盼身
堪教吹噓羽覺生依門情轉切荷得力須傾獎善猶憐
貢墜恩必不輕從茲便提絜雲路百生榮

寄華陰姚少府

前人

泰華當公署爲官興可知硯和青靄凍簾對白雲垂峻
掌光浮日危蓮影入池料於三考內應惜德音移

晚泊富春寄友人

前人

江鍾寒夕微江鳥望巢飛木落山城出潮生海棹歸獨吟
霜島月誰寄雪天衣此別三千里關西信更稀

劉補闕自九華山拜官因以寄獻

張喬

冥鴻夕不群微拜動天文地主迎過群山僧送出雲登車
殘月在宿館亂流分若更思林下還須共致君

寄南中友人

前人

相夢如相見相思去後頻舊時行處斷華髮別來新浪動
三湘月烟藏五嶺春又無歸北客書札寄何人

寄續溪陳明府

前人

古邑猿聲裏空城只半存岸移無舊路沙漲別成村鼓角
喧京口山江盡汝濱六朝興廢地行子一銷魂

寄處士梁燭

前人

賢哉君子風誦與古人同採藥楚雲裏移家湘水東星霜
秋野闊雨電夜山空早晚相招隱深耕老此中

贈進士顧雲

前人

潮檻煙波別釣津西京同似荻洲貧不知守道歸何日相對

無言盡幾春晴景遠山花外暮疑雲邊疑高蓋水邊頻
與君愁寂無消處賒酒清門送楚人

城東寓居寄知己

前人

花木閉門苔蘚生澹川待去得吟情病來久絕洞庭信年
長却思廬岳耕落日獨歸林下宿暮雲多遠水邊行干
時退出長如此頻愧相憂道姓名

贈友人

前人

自說安貧歸未能竹邊門掩小池冰典琴賒酒吟過寺送
客思鄉上灞陵待月夜留烟島客憶雲閑話翠微僧幾
時獻了相如賦

九霄無詔下何事觸清塵宅帶松蘿僻田惟猿鳥親吟看
仙掌月期有洞庭人莫問煙霞句懸知見岳神

秋日旅懷寄右省鄭拾遺

王真白

永夕愁不寐草蟲喧客庭半窻分曉月當枕落殘星鬢
髮遊梁白家山近越青知音在諫省苦調有誰聽

贈劉凝評事

前人

棘寺官初罷梁園靜掩扉春深顏子巷花映老萊衣談
史曾無滯攻書已造微即膺新寵命稱慶向庭闈

寄鄭縣李侍御

黃滔

古縣新煙火東西入客詩靜如長假日貧更似閑時僧借
松蘿住人將雨雪期三年一官罷岳石看成碑

贈李補闕

前人

魯史蜀琴旁陶然舉一觴夕陽明島嶼秋水淺池塘世亂
憐官替家貧值歲荒前峰亦魯宿知有辟寒方

寄敷水盧校書

前人

諫省垂清論仙曹豈久臨雖專良史業未畏疑直臣心路入
丹霄近家藏華嶽深還如韓吏部誰不望知音

贈明州霍負外

前人

惠化如施雨隣州亦可依正衙無吏近高會覺人稀海日
旗邊出沙禽角外歸四明多隱客閑約到巖扉

寄獻梓桐山侯侍郎

前人

漢宮行廟略簪笏落人間直道三湘水高情四皓山賜衣
僧脫去表奏主批還地得松蘿塢泉通雨雪灣東門添故
事南省缺新班時有新命不赴片石秋從露幽牕夜不關夢餘蟾
隱映吟次鳥綿蠻可惜相如作當時事悉閑

寄刑部盧負外

前人

誰識在官意開門樹色間尋幽頻宿寺乞假擬遊山半白
侵吟鬢微紅見藥顏不知今夜月幾客得同閑

貽曹郎中

張贇

所作高前古封章自由曲臺細看明主意終用出人才省印
尋僧鎖書樓領鶴開南山有舊友時向白雲來

亂中寄友人

前人

別來難覓信何處避艱危鬢黑無多日塵清是幾時
人情將厭武王澤即興詩若便懷深隱還應聖主知

寄友人

前人

戀道欲何如東西遠索居長疑即見面翻致久無書甸麥
深藏雉淮苔淺露魚相思不我會明月屢盈虛

贈別山友

前人

從容無限意不獨爲離群年長驚黃葉時清馱白雲
舊山迴馬見寒瀑別家聞相與存吾道窮通各自分

別後寄友生

詩選
作人

前人

百家詩選
作崔魯

上馬如飛鳥飄然隔去塵共看今夜月獨作異鄉人就養
江田熟移居井賦新襄陽所卜隱應與孟家隣

途次續溪先寄陳明府

前人

入境風煙好憂人不易傳新居多是客舊隱半成仙山斷
雲衝騎溪長柳拂船何當許過縣聞有篋中篇

寄當陽袁皓明府

揚夔

高人爲縣在南京竹逸琴堂水遠城地古旣資雋酒興務
閑偏長看山情秋軒待月僧同坐藥圃尋花鶴伴行百里
甚堪留惠愛莫教空說魯恭名

投宣武鄭尚書二十韻

羅隱

漢代簪纓盛梁園雉堞雄物情須重德時論在明公族大
踰開魏神高本降嵩世家唯蹇諤官業即清通翰苑論思
外綸闈肅傲中健毫驚絲鳳高步出冥鴻履歷雖吾道行

藏必聖聰絳霄無繫滯浙水忽西東瘦監高樓月袁郎滿
扇風四年將故事兩地有全功去去才須展行行道益隆
避權辭憲署仗節出南宮鴈影相承接龍圖共始終自然
須作礪不必恨臨戎幕下蓮花盛竿頭彈佩紅騎兒逢郭
伋戰疑士得文翁人地應無比簞瓢柰屢空因思一技桂已
作斷根蓬往事應歸睫勞歌且責躬殷勤信陵館今日自
途窮

投浙東王大夫二十韻

前人

越嶺千峯秀淮流一派長暫憑開物手來展濟時方舊跡
蘭亭在高風桂樹香地清無等級天閣任徊翔塵尾譚何
勝螭頭筆更狂直曾批鳳詔高已冠鷓行甯傲辭民部雍
容出帝鄉趙堯推印綬勾踐與封疆水占仙人吹城留御
史牀嘉賓鄒潤甫百姓賀知章席暖飛鸚鵡塵輕駐驕驕

夜歌珠斷續晴舞雪悠揚化向棠陰布春隨棣萼芳盛
名韜不得椎略晦彌彰自愧三冬學來窺數仞墻感深唯
刻骨時去欲沾裳想望魚燒尾各嗟鼠齧腸可能因蹇拙
便合老滄浪題柱心猶壯移山志未忘深慙百般病今日
問醫王

投寄韋左一作丞

前人

赤壁徵文聘中臺拜却詵班資叅令僕曹署轄星辰僕被
從誰起持綱自此新舉明朝典數封納詔書頻禁樹曾摘
藻臺鳥舊避塵便應訓倚注何處話窮鱗

寄易定公秉億侍郎

侍郎有明皇再見何蚩舞
汲龍池柳賦特稱冠絕也

前人

謝舞仍宮柳高竒世少雙侍中生不到園令死須降班秩
通鳥府尊壘近集作奉碧幢昭王有餘烈試為禱迷邦

寄侯博士

前人

規諫揚雄賦遭迴賈誼官久貧還往少孤立轉遷難清鏡
流年急高槐旅舍寒侏儒亦何有飽食向長安

寄大理徐郎中

前人

佐棘竟誰同因思證聖中事雖忘集作志顯報理合有陰功

官緒詵枝老生涯集作幽塵范甌空幾時潘好禮重與話清風

證聖中徐有功爲大理少卿執法平
怨鹿城主簿潘好禮著論以美之也

寄蘇拾遺

拾遺許公之後今
猶居開元中舊第言切京本作
言巧

前人

早歲長揚賦當年諫獵書格高時輩伏言切官情踈慷
慨傳丹桂艱難保舊居退朝應藁草能忘集作望馬相如

寄剡縣主簿

前人

金庭養真地朱篆勾稽官境勝堪長往時危喜暫安
洞連滄海闕山擁赤城寒他日拋塵土因君擬鍊丹

感德叙懷寄上羅鄴王三首

集作秋
日有酬

前人

盛集作舊業傳家有寶集作佩刃况集作近聞餘力更揮毫膏間

印佩黃金重集作黃樞貴卷裏詩裁集作文章白雪高宴罷嘉賓吟

鳳藻獵迴集作歸諸將問龍韜分茅列土集作壇甲子纒三十猶

擬迴頭賭錦袍

二集作寄酬王羅令公

營室東迴蔭赤集作丘少年承襲擁青油坐調金鼎尊

明主橫把瑯戈傲列侯書札二王爭巧拙篇章七子謝集作避

風流西園舊跡今應在衰老無因奉勝遊

三衰門京本作寒門

脉散源分歷幾朝縱然官宦只賓集作卑僚正憂末派淪滄

海忽見高技拂絳霄集作十萬貌貅趨玉帳三千賓客

冠集作珥金貂良時難得吾宗少應念衰門久集作更寂寥

淮南集作廣陵李僕射借示近詩因有投獻 前人

朝論國計暮論兵餘力猶隨鳳藻生語繼盤盂拋俗格氣

通集作兼河岳帶商聲閑尋綺思千花麗靜想高吟六藝集作義

清文柄已持堯典在更堪迴首向集作問緣情

寄京闕陸郎中昆仲 前人

栢臺蘭署四周旅賓榻何妨鴈影連纒見玳簪歌細柳

便知油幕勝紅蓮家從入洛聲名大跡為依劉事分偏

爭奈亂離人漸少麥成集作城新賦許誰傳

贈湖州集作上裴郎中 前人

貴提金印出咸秦蕭洒江城兩度春一派水清疑見膽數重

山翠欲留人望崇早合歸黃閣詩好何妨戀白蘋自是受

恩心未足却垂雙翅羨吳均

寄前宣州竇常侍 前人

往年西謁謝玄暉樽酒留歡醉始歸曲檻柳農一作垂鷺未

老小園花煖集作蝶初飛噴香瑞獸金三尺舞雪佳人玉
一圍今日亂離尋不得滿蓑風雨釣魚磯

寄徐濟

前人

往年踈懶共江湖月滿花香記得無霜豎楚蓮秋後折雨
催蠻酒夜深沾紅塵偶別一作迷前事丹桂相輕愧後圖
徒集作出得函關抽得手從來不及阮元瑜

贈宣武盧從事

集作大梁從事居泥水

前人

前年帝里望集作行塵計得仙家第四人泉暖舊諧龍偃

息露寒初見鶴精神歌聽集作上榻梁園晚夢遠殘鍾泥

水春知有篋中編集作拾非在只應從此是經綸

贈蒼溪王明府有文在手曰長生

王穀

執手長生在人皆號地山水雲真遂性龜鶴足一作齊年

但以酒養氣何言命在天况無婚嫁累應拍尚平肩

贈南陵李主簿

曹松

外邑官同隱寧勞短吏趨看雲情自足愛酒逸應無筆席

遺棊子衣裳惹印朱仍聞陂水近亦擬掉菰蒲

山中寒夜呈進士許棠

前人

山中集作草堂煖寂夜有良朋讀易明集作高燭煎茶取

拆集作冰庭垂河半角窻露月微稜俱入論心地爭無俗

者憎

書懷寄友人

沈顏

江湖勞遍尋祇自長愁襟到處慵開口何人可話心登樓
得句遠望月抒情深却憶山齋後猿聲相伴吟

春早寄華下同人

裴說

正是花時節思君寢復興市沽終不醉春夢亦無憑岳
面懸青雨河心走濁冰東門一條路離恨鎮相仍亦無集作

贈衡山令

十二載

集作三十載

辛苦必

集作詩苦復

前人

君吟十二載辛苦必能官造化猶難隱生靈豈易謾猿跳
高岳靜魚擺大江寬與我為同道相留夜話閑

集作寒

南中縣令

前人

寂寥雖下邑良宰有清威苦節長如病為官豈肯肥山
多村地狹水淺客舟稀上國搜賢急陶公早晚歸

寄曹松

前人

莫見苦吟遲吟遲鬢亦絲鬢斑猶可染詩病却難醫山
雲橫處星稠月側時冥搜不可得一句至公知

贈賓貢

前人

惟君懷至業萬里信悠悠蟻向東溟出枝來北闕求家無
一夜夢帆挂隔年秋鬢髮爭禁得孤舟往復愁

秋霽夜吟寄友人

唐彥謙

槐柳蕭疎溽暑收商金頻伏火西流塵衣歲晚緣身賤雨
簾更深滿背秋前事悲涼何足道遠書慵懶未能修唯思
待月高梧下更就東林訪惠休

賀李昌時禁苑新命

前人

玉簡金文直上清禁垣丹地閉嚴扃黃扉議政參元化紫
殿稱觴拂壽星萬戶千門迷步武非烟非霧隔儀形塵中
舊侶無音信知道遼東鶴姓丁

又寄

前人

振鷺翔鸞集禁闈玉堂珠樹莖風儀不知親到靈和殿
張緒何如柳一枝

已上日寄韓八

已見一百五十七卷

前人

寄蔣二十四

前人

鳥轉蜂飛日漸長旅人情味悔思量禪門淡泊無心地世

事生疎歎面墻二月雲煙迷柳色九衢風土帶花香大知
高士禁愁寂試倚闌干莫斷腸

寄懷

前人

有客傷春復怨離夕陽亭畔草青時淚從紅蠟無由制腸
比朱絃恐更危梅向好風唯是笑柳因微雨不勝垂雙溪
未去饒歸夢夜夜孤眠枕獨歌

赴舉寄別所知

李山甫

腰劍囊書出戶遲壯心吾命兩相疑麻衣盡舉一雙手挂
樹只生三十枝黃祖不憐鸚鵡客志公偏賞麒麟兒叔牙知
我應相痛迴首天涯寄所思

文苑英華卷第二百六十五

登仕郎胡柯鄉貢進士彭叔夏

叔夏

校正

文苑英華卷第二百六十六

詩一百十六

送行一

梁簡文帝四首

沈約三首

吳均十首

何遜一首

朱超二首

王僧孺一首

庾肩吾一首

范雲二首

徐陵三首

陰鑑二首

王褒三首

庾信三首

陳後主一首

江惣三首

孔德紹二首

釋智才一首

鄭公超一首

魯軌一首

劉夢子一首

尹式二首

陳子良一首

崔信明一首

王冑一首

李百藥一首

王勃五首

楊炯七首

饒別

梁簡文帝

行樂此南皮讌饒臨華池籜鮮管呈開節花暗鳥迷枝窻陰隨影度水色帶風移徒命銜盃酒終成憫別離

以下七篇並見藝文類聚

送別

同前

行行異沂海依依別路歧水苔隨纜聚岸柳拂舟垂石菌生懸葉江槎流臥枝燭盡悲當類聚去酒滿惜將作離

傷離新體

同前

傷離復傷離別後情鬱紆悽悽隱去掉憫憫愴還途還途類聚意不申轉顧獨霑巾前驅經御宿後騎歷河湟胡香翼還憶清笳送後塵落日斜飛蓋餘暉丞畫輪柳影長

橫路槐枝深隱人挂宮夕掩銅龍扉甲館宵垂雲母幃隴月色上的的夜螢飛草香襲余袂露灑霑人衣帶堞凌城雲亂聚排枝度葉鳥爭歸類聚中浮蟻不能酌琴澗玉微調別鶴別鶴千里別離聲絃調軫急心自驚試起登南樓還向華池遊前時篠生今欵合近日栽荷尚不抽猶是銜杯共賞處今茲對此獨生愁樓高望曖曖山川自分態偃師雖北連轅轅已南背遠聽寂無聞遙瞻目有礙含毫意不迷長歎情無賴

饒臨海太守劉孝儀蜀郡太守劉孝勝 同前

碣石臨東海峨嵋岨西候兩杜昔夾河二龍今出守方夜無犬驚向息神牛鬪涼風繞輕幕麥雨交新溜念此一銜觴懷離在惟舊

送別友人

沈約

君東我亦西，銜悲涕如霰。浮雲一南北，何由展言宴。方作異鄉人，贈子同心扇。遙裔發海鴻，連翩出蒼鶯。春秋更去來，參差不相見。

別范安成

前人

平生少年日，分手易前期。及爾同衰暮，非復別離時。勿言一樽酒，明日難共文選作重持。夢中不識路，何以慰相思。

別謝文學

前人

漢池水如帶，巫山雲似蓋。一望沮漳水，寧思江海會。以我徑寸心，從君千里外。

同柳吳興烏亭集送柳舍人

吳均

河陽一帳望，南浦送將歸。雲山離曉曉，花霧共依依。集作霏霏流連反舌弄，下上集作上下陽禽飛。桂舟無掩柂，玉軫有離徽。

願君嗣蘭杜，持拂集作拂

東臯薇

同柳吳興何山

湖州名山

集送劉餘杭

前人

王孫重離別，置酒峯之畿。透迤川上草，參差澗裏薇。輕雲一作晚紉一作遠岫，細雨沐山衣。簷端水禽息，窓上野螢飛。

君隨綠波遠，我逐清風歸。

送柳吳興竹亭集

前人

平原不可望，波瀾千里直。夕魚汀下戲，暮羽集作雨簷中息。

白雲時去來，清風復負側。躑躅牛羊下，晦昧崦嵫色。王孫猶未歸，且聽西光匿。

酬別江主簿屯騎

前人

有客告將離，贈言重蘭蕙。泛舟當泛濟，結交當結桂。濟水有清源，桂樹多芳根。毛公與朱亥，俱在信陵門。趙瑟鳳凰柱，吳醪金罍樽。我有北山志，留連為報恩。夫君皆逸翮，搏景復凌騫。白雲間海樹，秋日暗平原。寒蟲鳴趯趯，落葉

飛翻翻何用贈分首自有北堂萱

贈王桂陽別三首

前人

昔聞揚伯起拖玉振清風高花積海外名實蒲山東自
有五都相非無四世公臨窓驚白日倚匣曳輕虹願持鷓鴣
羽歲暮依梧桐

二

客子慘無歡送別江之于白雲方渺渺一作渺黃鳥尚關關
糾紛巫山石合杳洞庭瀾行衣侵曉露征船夜泊湍一作
犯夜無因停合浦見此玄一作玄珠還一作皆藝文類聚

三

樹響晉浹山來溪類聚聲繞岫急旅帆風飄揚行巾露霑
濕深浪閣蒹葭濃雲沒城邑不見別離人獨有相思泣

贈鮑春陵別

前人

落葉思紛紛蟬聲猶可聞水中千丈月山上萬重雲海鴻
來往疑去林花合復分所憂別離意白露下霑裙

別王謙

前人

嚴光不逐類聚世流轉任飛蓬欲還天台嶺不狎甘泉宮
離歌玉絃絕別酒金卮空儻遺故人念僕在東山東

酬別

前人

故人杯酒別天清明月亮露下寒草類聚中風起秋江上
衣染潺湲泣掉犯參差浪七首直千金七寶雕華裝側亮
注在前類聚疑生離何用表賴此持相餉平聲改作杖

與胡興安夜別

何遜見類聚

居人行轉軾客子蹙維舟念此一筵笑分爲兩地愁露濕
寒塘草月映清淮流方抱新離恨獨守故園秋

別劉孝先

朱超

疲病積未瘳伏枕倦長愁復念夜分首江上值徂秋陰疑
變遠色落葉泛寒流繁霜積曉纜輕冰繞夜舟曳裾出
兔苑引領望龍樓勿念荆臺側無為戚情一作成墮遊

道別席中兵

前人

數年共棲

一作遊

息一日

一作旦

各聯翩勿言

或論

行近遠終是隔山

川長波漫不極高岫鬱相連急風亂還鳥輕寒靜暮蟬
扁舟已入浪孤帆漸逼天停車對空渚悵長一作望轉依
然

一作皆藝文類聚

送殷何兩記室

王僧孺

見類聚

掩袖出南浦驅車送上征飄飄曉雲駛漾漾旦朝平不肖
余何惜無貨爾勿輕儻有還書便一言訪死生

新林

集作

送劉之遴

瘦肩吾

旆

初學記

轉黃山路舟纜

類聚

白馬津送輪時合憶分驂

各背塵常山喜臨岱

初學記

隴頭悲望秦欲持漢中策還

以寄

類聚

征人

送沈記室夜別

范雲

桂水澄夜氣

類聚

桂山清曉雲秋風兩鄉怨秋月千里分

寒芝寧共採霜猿行獨聞捫蘿勿類聚遺我折桂方思君

別詩

前人

見類聚

孤煙起新豐候鴈出雲中草低金城霧木下玉門風別君
河初滿思君月屢空折桂衡山北摘蘭沅水東蘭摘心焉
寄桂折意誰通

別毛尚書

一作嘉

徐陵

顧子勵風規

一作顧子

歸來振羽儀嗟余今老病此別畏

一作恐

長離白馬君來哭黃泉我詎知徒勞脫寶劍空掛隴頭枝

一作皆藝文類聚

秋日別庾正負

前人類聚作張正見

征途愁轉布連騎慘停鑣朔氣凌疎木江風送上潮青雀離帆遠朱鷺別路遙唯有當秋月夜夜上河橋

新亭送別

前人

鳳吹臨伊水時架出河梁野燎一作村田黑江秋岸荻黃隔磯一作城聞上鼓迴舟一作洲隱去檣神襟愛遠別流涕極清漳

一作皆藝文類聚

江津送劉光祿不及

陰鏗

依然臨送渚長望倚河津鼓聲隨聽絕帆勢與雲隣泊處空餘鳥離亭已散人林寒正下葉釣類聚作釣晚欲收綸如

何相背遠江漢與城闔

廣陵岸送遠使見二百九十六卷

前人

送別裴儀同

王褒見類聚

河橋望行旅長亭送故人沙飛似軍幕蓬卷若車輪

邊依苦霜雪愁貌損風塵行路皆兄弟千里念相親

別陸子雲類聚作才子

前人

解纜出南浦征棹且凌晨還看分手處唯餘送別人中流搖蓋影邊江落騎塵平湖開曙日細柳發新春滄波不可

望行雲聊共因

別王都官

前人

連翩憫流客類聚作落悽愴惜離羣東西御溝水南北會稽雲河橋兩隄絕橫歧數路分山川遙不見懷袖遠相聞

別周尚書弘正已見二百三十卷

庾信

重別周尚書

前人

陽關萬里道不見一人歸唯有河邊鴈秋來南向飛

別張洗馬樞

前人

別席慘無言，離悲兩相顧。君登蘇武橋，我見揚朱路。關山負雪行，河水乘冰渡。顧子著朱鳶，知余在玄兔。

幸玄武湖餞吳興太守任惠

陳後主

寒雲輕重色，秋水去來波。待我戎衣定，然送大風歌。

贈別洗馬袁朗

江惔

賈誼登朝日，終軍對奏年。校文升廣內，撫劍入崇賢。竒

才與殊艷

集作殊艷逸

將別愛留聯

集作更留聯一作愛攀聯

驅車命鏡

一作

管拱

坐面

一作

林泉池寒稍下鴈，木落久無蟬。霧浸山扉

類聚

作上目

霜開石路煙，高談無以

類聚

慰遲爾報華篇

此詩三百四十卷重出，今已削去。注異同為一作。

別袁昌州

前人

河梁望壘頭，分首路悠悠。徂年驚若電，別日欲成秋。黃鵠

飛飛遠青山去，愁不言雲雨散，更似東西流。

別南海賓化侯

前人

石關通越井，蒲澗迺靈洲。此地何遼曩，羣英逐遠遊。高

才袁彥伯，令譽許文休。遊焉值君子，復此映芳猷。嶠函多險

澁，星瑄壯疑環。周分岐泣世道，念別傷邊秋。斷山時結霧，平

海若無流驚。鷺一羣起哀猿，數處愁是日。送歸客為情自

可求，終謝能鳴鴈。還同不繫舟，其如江海泣。惆悵徒離憂。

英華及類聚節文八句，今以集本添入全篇。

送蔡君却入蜀二首

孔德紹

金陵已去國，銅梁忽背飛。失路還相送，他鄉何日歸。

二

靈關九折險，蜀道二星遙。乘查若有便，希泛廣陵潮。

送別

釋智才

鏡中辭舊識，灞岸別新知。年來未應老，祇為數經離。

送庾羽騎抱

鄭公超

舊宅青山遠歸路白雲深
遲暮雖爲別搖落更傷心
空城落日影迴地浮雲陰
送君自有淚不假聽猿吟

送別

魯範

去留雖有異失路與君同
如何拔心草還送斷根蓬

送別秦王學士江益

劉夢予

百年風月意一旦死生分
客心還送客悲我復悲君

送晉熙公別

尹式

太行君失路扶搖我退飛
無復紅顏在空持一作將白首歸

色移三代服塵化兩京衣
道窮方識一作體命事去乃知非

西候追孫楚南津送陸機
雲薄鱗逾細山高翠轉微氣

隨流水咽淚逐斷絃揮
但令寸心密隨意尺書掃

別宋常侍

前人

遊入疑作人杜陵北送客漢川東
無論去與住一作悉是一飄

蓬秋鬢含霜白衰顏倚酒紅
別有相思處啼鳥雜夜風

送別

陳子良

落葉聚還散征禽去不歸
以我窮途泣疑作沾君出塞衣

送金敬陵入蜀

崔信明

金門去蜀道玉壘望長安
豈言千里足一作遠方尋九折難

西上君飛蓋東歸我挂冠
猿聲山疑硤斷月彩落江寒
從今與君別花月幾新殘

別周記室

王胄

五里徘徊鶴三聲斷絕猿
何言俱失路相對泣離樽
別意

悽無已當歌寂不喧
貧交欲有贈掩涕竟無言

送別

李百藥

眷言一盃酒悽愴起離憂
夜花飄露氣暗水急還流
鴈行

遙上月蟲聲迴應秋明日河梁上誰與論仙舟

送臨慮盧主簿

王勃

窮途非所恨虛室自相依城闕居年滿琴樽俗事稀開
襟方未已分袂忽多違東巖富松竹歲暮幸同歸

餞韋兵曹

前人

征驂臨野吹別袂慘江垂川霽浮煙歛山明落照移鷹風
凋晚葉蟬露泫秋枝亭臯分遠望延想間雲涯

白下驛餞唐少府

前人

下驛窮交日昌亭旅食年相知何用早懷抱即依然浦
樓低晚照鄉路隔風煙去去如何道長安在日邊

送杜少府之任蜀州

前人

城闕輔三集作西秦風煙望五津與君離別意同集作俱是官
遊人海内存知己天涯若比隣無為在歧路兒女共霑巾

羈遊餞別

前人

客心懸隴路遊子倦江干撞濃集作豐朝砌靜篠密夜窓寒
琴聲銷別恨風景駐離歡寧覺山川遠悠悠旅思難

送梓州周司功

楊炯

御溝一相送征馬屢盤桓言笑方無日離憂獨未寬舉杯
聊勸酒破涕暫為歡別後清風夜思君蜀路難

送李庶子致仕還洛

前人

此地傾集作石城日由來供帳華亭逢李廣騎門接邵平瓜
原野炎氣匝関河遊望賒白雲斷巖岫綠草覆江沙
詔賜扶陽宅人榮御史車灞池一相送流涕向煙霞

送臨津房少府

前人

歧路三秋別江津萬里長煙霞駐征蓋絃奏促飛觴階樹
含斜日池風泛草涼贈言未終集作終未竟流涕忽霑裳

送豐城王少府

前人

愁結亂如麻長天照落霞離亭隱喬樹溝水浸平沙左
尉才何屈東関望漸賒行看轉牛斗持此報張華

送劉校書從軍

前人

天將下三宮星門召五啓集作戎坐謀資廟略飛檄佇文雄
赤土流星劍烏號明月弓秋陰生蜀道殺氣繞湟中風雨
何集作年別琴樽此日同離亭不可望溝水自西東

送鄭州周司功

前人

漢國臨清渭京城枕濁河居人下珠淚集作賓御促驪歌
望極関山遠秋深煙露多唯餘三五夕明月暫經過

夜送集作趙縱

前人

趙氏連城壁由來天下傳送君還舊府明月滿集作秦川
文苑英華卷第二百六十六登仕郎胡柯鄉貢進士彭叔夏校正

文苑英華卷第二百六十七

詩一百十七

送行二

盧照隣六首

駱賓王七首

陳子昂七首

李嶠六首

同錢唐州高使君赴任九首

同錢許州宋司馬赴任七首

宋之問十一首

張說十首

送鄭司倉入蜀

盧照隣

離人舟水北遊客錦城東客恨良無已離憂自不窮隴雲
朝結陣江月夜臨空関塞疲征馬霜氣落早鴻潘三年
十外蜀道五千中送君秋水曲酌酒對秋風

送梓州高叅軍還京

前人

京洛風塵遠褒斜煙霧深北遊君似智南飛我異禽
別路琴聲集作斷秋山猿鳥吟一乖青巖酌空佇白雲心

還京贈別

此詩二百八十六卷重出今已削去

前人

風月清江夜山水白雲朝萬里同為客三秋契不凋
戲鳥分斷岸歸騎別高標一去僊集作還橋道還望錦城遙

送幽州陳參軍赴任寄呈鄉曲故集作父老 前人

薊北三千里關西二十年馮唐猶在漢樂毅不歸燕人同黃
鶴遠鄉共白雲連郭隗池臺處昭王樽酒前故人當已老
舊壑幾成田紅顏如昨日衰鬢似秋天西蜀橋應毀東
周石尚全灞池水猶綠榆關月早圓塞雲初上鴈庭樹欲
銷蟬送君之舊國揮涕獨潸然

大劍送別劉右史

前人

金碧禺山遠關梁蜀道難相逢屬晚歲相送動征鞍地
險綿川咽雲凝劍閣寒儻遇忠孝所為道憶長安

綿州官池錢別

同賦灣字

前人

輶軒遵上國仙氣下靈一作雲閣樽酒妨集作方無地聯綰喜
暫攀離言欲贈策高辯正連環野徑遊集作浮雲斷荒池春
草斑殘花落古樹度鳥入澄灣欲叙他鄉別幽谷有綿蠻

秋日別侯四

駱賓王

我留安豹隱君去學鵬搏岐路分襟易風雲促膝難夕
漲流波急秋山落日寒唯有思歸引悽斷為君彈以下七篇並見集本

送吳七遊蜀

前人

日觀分齊壤星橋接集作抵蜀門桃花嘶別路竹葉瀉離樽
夏老集作盡蘭猶茂秋深集作新柳尚繁霧銷山望迴風高野
聽喧勞歌徒欲奏贈別竟無言唯有當秋月空照野人園

秋日餞集作送尹大之集作赴京

前人

挂瓢余隱舜負鼎爾干湯竹葉離樽滿桃花別路長低河
耿秋色落月抱寒光素書如可嗣幽谷佇賓行

錢鄭安陽入蜀

前人

彭門山集作

折坂外井絡少城隈地是三巴俗人非萬集作

里才畏長集作

途君悵望岐集作路我徘徊心事集作賞風煙隔

容華歲月催遙遙分鳳野去去轉龍媒遺錦非前邑鳴

琴即舊臺劍門千仞起石路五丁開海客乘查渡仙童馭

竹迴魂將離鶴遠思逐斷猿哀唯有雙鳧舄飛去復飛來

送劉少府遊越州

前人

一丘余枕石三越爾懷鈿離亭分鶴蓋別岸指龍川背夏

蟬聲斷來寒鴈影連如何溝水上悽斷聽離絃

送郭少府

探得憂字

前人

開筵枕枕集作德水輟掉艤仙丹具闕桃花浪龍門竹箭流

當歌悽別曲對酒泣離憂還望青門外空見白雲浮

送費玄之

集作蜀

前人

星樓望蜀道月峽指吳門萬行流別淚九折切驚魂雪影

含花落雲陰帶葉昏還愁集作三迳晚獨對一清樽

送東來王學士無競

陳子昂

寶劍千金買平生未許人懷君萬里別持贈結交親孤松

耳晚歲衆木愛芳春已矣將何道無令白首集作新

以下六篇並見集本

送魏兵曹使雋州

得登字

前人

送客

前人

故人洞庭去揚柳春風生相送河洲晚蒼茫別思盈白蘋
已堪把綠芷復含榮江南多桂樹歸客贈生平

送殷大入蜀

前人

禺集作

山金碧路集作

此地饒英靈送君一為別悽斷故鄉

情夏集作

雲生極浦斜日隱離亭坐看征騎没唯見遠山青

送梁李二明府

前人

負書猶在漢懷策未聞秦復此窮秋日芳樽別故人黃金
裝屢盡白首契逾新空羨雙鳧寫俱飛向玉輪

送別陶七

同用風字

前人

黃鶴煙雲

一作霞

去清江琴酒同離帆方楚越溝水復西東

芙蓉生夏浦楊柳送春風

集作月

想思處應對菊花

叢

送別崔著作東征融

前人

金天方肅殺白露始專征王師非樂戰之子慎佳兵

集作海

氣侵南部邊風掃北平莫買龍塞劍

集作莫買盧龍塞

歸邀麟閣名

送光祿劉主簿之洛

李嶠

函谷雙嶠石伊川二陝東仙舟宵將隔方竿暫云同朋席
餘歡盡文房舊侶空他鄉千里月岐路九秋風背擁嘶班

馬分洲叫斷鴻別後青山外相望白雲中

送駱奉禮從軍

前人

玉塞邊烽舉金壇廟略申羽書資銳筆戎幕引英賓

劍動三軍氣衣飄萬里塵琴樽留別賞風景惜離晨

笛梅含晚吹營柳帶餘春希君勒石反歌舞入城闈

餞駱四二首

前人

平生何以樂斗酒夜相逢曲中驚別緒醉裏失愁容星
月懸秋漢風霜入曙鍾明日臨清水青山幾萬重

二

甲弟驅車入良宵秉燭遊人爲集作竹林會酒獻菊花

秋霜吹飄無已星河漫不流重嗟歡賞地翻召別離憂

送李安邑

前人

落日荒郊外風景正淒淒離人席上起征馬路傍嘶別

酒傾壺贈行書掩淚帝殷勤御溝水從此各東西

又送別

前人

歧路方為客芳樽暫解顏人隨轉蓬去春伴落梅還
白雲渡汾水黃河遠晉關離心不可問宿昔鬢成斑

錢唐州高使君赴任

岑羲

蒼茫南塞地明媚上春時目極傷千里懷君不自持征
車別歧路叙日下崦嵫一歎軺軒阻悠悠即所思

同前

崔湜

芳春桃李時京東

集作都

物華好為岳豈不貴所悲涉遠

道遠道不可思宿昔夢見之贈君雙佩刀日夕有

集作無

親期

同前

盧藏用

餞酒臨豐樹褰帷出魯陽蕙蘭春已晚相陌路猶長祖
述方城鎮安仁外氏鄉從來二千石天子命惟良

同前

張說

常時好閑燕

集作獨

朋友

集作舊

少相過及爾宣風去方嗟離

別

集作別日

多淮流春婉婉汝海路蹉跎百年

集作歲

屢分散歡

言復幾何

同前

徐彥伯

香萼媚紅滋垂條紫綠絲情人拂瑤袂共惜此芳時驩
驩已躑躅鳥隼方葳蕤跋予望太守流潤及京師

同前

未日奏文時東風搖蕩夕浩然思樂事那復念

一作復

翻征

客淮水常流清

一作清流

楚山雲水白

一作雲白

暮

勿言行路遠所

貴專城伯

同前

李义

淮源水之清可以濯我

一作君

纓彼美稱才傑親人佇政聲

歲寒疇曩意春晚一作別離情終難一作臨岐遠行看
擁傳榮

同前

帝元旦

相栢應新命芝蘭惜舊遊鳴臯夜鶴在遷木早鸞求
傳擁淮源路樽空灞水流落花紛送遠春色別離憂

同前

馬懷素

外牧資賢守斯人奉命一作俞淮南應建隼渭北軫疑
分符坐歎煙波隔行嗟物候殊何年昇美課迴看此城隅

錢許州宋司馬赴任

李適

昔吾遊箕山竭來涉潁水復有許由廟迢迢白雲裏聞
君佐繁昌臨風悵懷此儻到平輿泉寄謝干將里

同前

李乂

展驥旌時傑談雞美代賢暫留仙掖務追送近郊筵地慘

金商節人康壁假田從來昆友事咸以佩刀傳

同前

盧藏用

國爲休徵選輿因仲舉題山川襄野隔朋酒灞亭睽零
雨征車驚秋風別驥嘶離歌一曲罷愁向勿悽悽

同前

馬懷素

潁水開郡邑角宿躔分野非君仲舉材誰應題輿者憫憫
琴上鶴蕭蕭路傍馬嚴程若可留別袂希再把

同前

徐堅

許舊星車轉神京祖帳開斷煙傷別望零雨送離杯辭鶯
依空遠賓鴻入聽哀分襟與秋氣日夕共悲哉

同前

薛稷

令弟與君兄高才振兩京別序聞鴻鴈離章動鶴領遠
朋馳翰墨勝地寫丹青風月相思夜勞望潁川星

同前

宋之問

潁郡水東流，荀陳兄弟遊。偏傷茲日遠，獨向聚星州。河潤在明德，人康非外求。當聞力爲政，遙慰我心愁。

宋公宅送甯諫議

前人

宋公爰創宅，庾氏更誅茅。間出人三秀，平臨楚四郊。漢臣來絳節，荆牧動金鐃。樽溢冝城酒，笙裁曲沃匏。露荷秋變節，風柳夕鳴梢。一散陽臺雨，方隨越鳥巢。

送趙司馬赴蜀州

前人

餞子西南望，煙綿劍道微。橋寒金鴈並，集作落林曙碧鷄飛。職拜輿方遠，仙成履會歸。定知和氏璧，遙掩玉輪輝。

以下十篇並見集本

送武進鄭明府

前人

絃歌試宰日，城闕賞心違。北謝蒼龍去，南隨黃鶴一作飛。

夏雲海中出，吳山江上微。吐謠豈云遠，從此慶緇衣。

送合宮蘇明府

前人

鉉府誕英規，公才天下知。謂乘羔鴈族，繼入鳳凰池。赤縣求人隱，青門起路歧。翟迴車少別，鳧化鳥遙馳。神哭周南境，童歌豫集作滑。北垂賢哉，苟奉倩袞職，佇來儀。

送永昌蕭贊府

前人

柳變曲江頭，送君函谷遊。弄琴寬別意，酌醴集作酒醉春愁。戀本亦何極，贈言微所求。莫令金谷水，不入故園流。

送李奉集作侍御

前人

行李戀庭闈，乘軺振綵衣。南登指吳服，北走出秦畿。去國夏雲斷，還鄉秋鴈飛。旋聞郡計入，更有使臣歸。

送朔方何侍御

前人

聞道雲中使，乘驄往復還。河兵守陽月，集作日塞虜失陰。

山拜職常隨驃銘功不讓班旋聞受降日歌舞入蕭關

送楊六望赴金水

前人

借問梁山道嶽岑幾萬重遥州刀作字一作絕壁劍為峯
惜別路窮此留歡意不從憂來生白髮時晚愛青松勿
以西南遠夷歌寢盛容台階有高位寧復久臨邛

餞胡州薛司馬

前人

別駕促嚴程離筵多故情交深季作友義重伯為兄鎮
靜移吳俗風流在漢京會看一作逢陳仲舉從此拜公卿

送杜審言

前人

卧病人事絕聞絕句詩君萬里行一作君行河橋不相送江樹

遠含情別路追孫楚維舟弔屈平可惜龍泉劍流落在豐城

送趙六貞固

前人

日斷南渚雲心醉東郊柳怨別此何時青芳來已人與君

共時物盡此盈樽酒始願今不從春風戀携手

岳州宴別潭州王熊

張說

縉雲連省閣溝水透集作遠西東然諾心猶在容花歲不同

孤城臨一作連楚塞遠樹入秦宮誰念三千里江潭一老翁

南中送蔣五岑向青州

前人

老親依北海賤子弃南荒有淚皆成血無聲不斷腸此中逢

故友彼地送一作送還鄉願為江楓集作楓林葉隨君度洛陽

此詩二百八十六卷重出今已削去

幽州別徐陰集作陰長河行先

前人

惠愛交千里集作惠好辛勤世事多荆南久為別薊北遠

來過寄目雲中鳥留歡酒上歌影移聲復聞遲暮兩如何

送蘇合宮五官頤

前人

都邑羣方首商身集作泉萬俗訛變風須愷悌成化佇絃歌

疇昔珪璋友雍容文雅多振纓遊省闈鏘玉宰京河別曲
鸞初下行軒雉尚過百壺非餞意流詠在人和

送趙二尚書彥昭北伐

前人

虜地河冰合邊城備此時兵連紫關路將舉白雲司題劍
榮中賞銜盃集作珠盛出師日華鮮集作光組練風色焰一作艷
旌旗投筆樽前起橫戈馬上辭梅花吹白集作別引揚柳賦

歸集作新非詩

送王光庭

前人

同居洛陽陌經日懶相求及爾江湖去言別悵悠悠楚雲
眇羈翼海月倦行舟愛而不可見徒嗟芳歲流

岳州別姚司馬紹之制許歸侍

前人

和玉悲無已長沙官不成天從扇枕願人遂倚門情方外
懷司馬江東憶步兵向君栖泊處空嶺夜猿驚

洛橋北亭餞諸刺史

前人

離亭拂御溝別集作岸曲舞船樓詔餞朝廷牧符分海縣憂
股肱還入郡父母更臨州扇逐仁風轉車隨靈集作零非雨流恩
光水上溢榮色柳間浮預待羣方最三公不遠求

送崔二長史日知赴潞州

前人

東山憐集作懷卧理南省悵悲翁共見前途促何知後會同
莫輕一筵酒集作筵宴又作壺酒明日半成空況爾新離集作離庭闕思歸

迷夢中

送李侍郎迴秀薛長史季祖同賦水字

前人

漢郎接胡廷幽并對烽壘旃旌集作旌按部曲文武惟卿士
薛公善籌畫李相威邊鄙中冀分兩河長城各萬里籍馬
黃花塞蒐兵白狼水勝敵在安人爲君汗清史

文苑英華卷第二百六十七

登仕郎胡柯 鄉貢進士彭叔夏 校正

此卷宋之問送杜審言詩共四韻而洪邃絕句詩選及別本只收前兩韻書此以示後

文苑英華卷第二百六十八

詩一百十八

送行三

蘇頲九首

張九齡六首

韋述一首

張諤一首

梁陟一首

張子容二首

孫逖八首

王維十九首

孟浩然十二首

錢洛州陸長史再守汾州

蘇頲

河尹政成基

疑作

為汾昔所推不榮三入地還美再臨時

擁傳雲初合聞鸞日正遲道傍多出餞別有吏人思

以下九篇並見集本

錢荊州崔司馬

前人

茂社雕龍昔香名展驥初水連南海漲星拱北辰居稍

發仙人履將題別駕與明年徵拜入荆玉不藏諸

錢趙尚書攝御史大夫赴朔方軍 前人

勁虜欲南飛集作揚兵護朔垂趙克寧易印鄧禹即分

麾野餞迴三傑軍謀用六奇雲邊愁集作出塞日下愴

臨歧拔劍行人舞揮戈戰馬馳明年麟閣上充國拜集作於斯

送吏部李侍郎東歸 得歸字 前人

陌上有光輝披雲向洛畿賞來榮扈從別至借分飛泉

溜含風急山煙帶日微茂曹今去矣人物喜東歸

送光祿姚卿還都 前人

漢室有英台荀家寵俊才九卿朝已入三子暮同來不授

綸為草還司鼎用梅兩京王者宅駟馬日應回

春晚送瑕丘田少府還任因寄洛中鏡上人 前人

聞道還沂上因聲寄洛濱別時花欲盡歸處酒應春聚散

同行客悲歡屬故人少年歸集作樂地遙贈一霧巾

錢澤州盧使君赴任 前人

聞道降綸書為邦建綵旆政憑循吏往才以貴卿除詞

賦良無敵聲華藹有餘榮承四嶽後請絕二天初関路通

秦壁城池繞晉墟撰期行子赴分曲集作列侯居別望喧

追餞離言繫慘舒平蕪寒菴古勇亂集作喬木夜墀踈寥

沉秋先起推移月向諸舊交何以贈客至待烹魚

景龍觀送裴士曹 前人

昔日掌聞公相第一作今時變作列仙家池傍坐客穿叢

篠樹下游人掃落花雲雨長疑向函谷山泉直似到流沙

君還洛邑分明記此處同來閱歲華

錢郢州李使君 前人

楚有章華臺遙遙雲夢澤復聞擁符傳及是收集作

圖籍佳政在黎人能聲寄侯伯離懷朔風起試望秋陰積
中路悽已寒羣山靄將夕傷懷集作心聊把袂悵望集作悵騏驎客

東湖臨泛餞揚集作王司馬

張九齡

南土秋雖半東湖草木黃聊乘風日好來泛芰荷香蘭棹
無勞速菱歌不厭長忽懷京洛去難與共清光以下六篇並見集本

送揚府李功曹

前人

平生屬良友結綬望光輝何知人事拙連集作相與官情非

別鳥集作路穿林盡征帆際海歸居然已多意況復兩鄉違

送宛句趙少府子卿

前人

解巾行作吏樽酒謝離居修竹含清景華池滄碧虛地將

幽興愜情集作人與舊遊疎林下紛相送多逢長者車

送韋城李一作蕭少府

前人

送客南昌尉離亭西候春花看欲盡林鳥聽猶新別酒

青門路歸軒白馬津相知無遠近萬里尚為鄰

通化門外送別

前人

屢別容華改長愁意緒微義將思集作私愛隔情與故人歸

薄官無時賞勞生有事機離魂今夕夢先統舊林飛

送別鄉人南還

前人

橘柚南中暖桑榆北地陰何言榮落異因見別離心吾亦

江鄉子思歸夢寐深聞君去水宿思結渺雲林牽綴從浮

事遲迴謝所欽東南行舫遠秋浦念猿吟

廣陵送別宋員外佐越鄭舍人還京 韋述

朱紱臨秦望皇華赴洛橋文章南渡越書奏北歸朝樹入

江雲盡城銜海月遙秋風將客思川上晚蕭蕭

送李著作作倅杭州

張諤

輟史空三署題輿莅一方祖筵開霽景征陌值韶光水陸

風煙隔秦吳道路長佇聞敷雅政拜國詠惟康

送孫舍人歸相州

梁陔

盛才傾世重清論蒲朝歸作隼他年計一作擊為鴛比日飛

比肩移一作趨日近抗首出郊畿為報清漳水分明照錦衣

送孟六歸襄陽

張子容附見孟浩然集

東越相逢地西亭送別津風朝一作濤看解纜雲雨見一作集

愁人鄉在桃林岸江一作集連楓樹春長一作集懷故園意歸

與孟家鄰

送蘇倩遊天台

前人

靈異尋滄海笙歌討翠微江一作水鷗迎近一作共狎雲鶴待

將飛琪樹攀一作崑仙果瓊樓試羽衣遙知神女問獨恠阮郎

歸

送越州裴參軍充使入京

孫逖

日落川徑寒離心苦未安客愁西向盡鄉夢北歸難霜果

林中變秋花水上殘明朝渡江後雲物向一作為南看

以下八篇並見集本

送揚曹法按括州

前人

東河天台山南方縉雲驛一作溪澄一作清問人隱巖險煩

登陟潭壑隨星使軒車繞春色儻尋琪樹人為報長相憶

送周判官往台州

前人

吾宗長作賦登陸訪天台星使行看入雲仙意轉催飲水

攀璀璨驅傳歷莓苔日暮東郊別真情去不迴

送魏騎曹充宇文侍御判官分按山南

前人

雲雨陽臺路光華駟騎巡勸農開夢土恤隱惠荆人樓迴

吟黃鶴江長望白蘋觀風布明詔更是漢南春

送蘇郎中縮出佐荊州

前人

神仙久留滯清切佇飛翻忽佐南方牧何時西掖垣高車
自蘭省便道出荆門不見河梁別空銷郢路魂

冬末送魏起居赴京

前人

大名將起魏良史更逢遷驛騎朝丹闕閑亭望紫煙西
京春色近東觀物華偏早赴王正月揮毫記首年

送李補闕攝御史克河西節度判官 前人

昔年叨補袞邊地亦埋輪官序慙先達才名畏後人西戎
雖獻款止策耻和親早赴軍戎集作前軍幕長清外域塵

送趙評事攝御史監軍嶺南 前人

議獄持邦典臨戎假憲威風從閩闔去霜入洞庭飛篁
竹迎金鼓樓船引繡衣明年降集作拜真月南斗使星歸

送梓州李使君 王維

萬壑樹參天集作千杜鵑山中一半雨樹杪百重

泉漢女輸撞布巴人訟芋田文翁翻教授不敢倚先賢

以下十五篇並見集本

送李太守赴上洛 前人

商山包楚鄧積翠藹沉沉驛路飛泉灑 関門落照深
野花開古戍行客響空林板屋春多雨山城晝欲陰丹泉通
號略白羽抵荆岑若見西山葵應知黃綺心

送友人南歸 前人

萬里春應盡三江鴈欲飛集作稀連天漢水廣孤客郢城
歸郎國稻苗秀楚人菰菜一作葉肥懸知倚門望遙識老萊

此詩二百个四卷重出今已削去注異同爲一作

送孟六歸襄陽一作送孟浩然

前人附見孟浩然集

杜門不欲復集作出久與世情疎以此爲長策勸君歸舊廬
醉歌田舍酒笑讀古人書好是一生事無勞獻子虛

送平澹然判官

前人

不識陽關路新從定遠侯黃雲斷春色盡角起邊愁瀚
海經年到交河出塞流須令外國使知一作只飲月支頭

送孫秀才

前人

帝城春集作風日好况復建平家王枕雙紋簟金盤五色瓜
山中沽魯酒松下飯胡麻莫厭田家苦歸期遠復賒

送丘為往唐州

前人

宛洛有風塵君行多苦辛四愁連漢水百口寄隨人槐色
陰清晝揚花惹暮春朝端肯相送天子繡衣臣

送孫二

前人

郊郭集作外誰將集作相送夫君道術親書生鄒魯客才子
洛陽人祖席依寒草行車薄集作起暮塵山川向集作何寂

寞長望淚霑巾

送丘為落第歸江東

前人

憐君不得意况復柳條春為客黃金盡還家白髮新五
湖三畝地集作宅萬里一行集作歸人知爾不能薦羞看集作為

獻納臣

送嚴秀才還蜀

前人

寧親真集作為令子似舅即賢甥別路經花縣還鄉入
錦城山臨清塞斷江向白雲平獻賦何時至明君憶長卿

送宇文三赴河西充行軍司馬

前人

橫笛集作吹雜繁笳邊風卷塞沙還文田司馬更逐李
輕車蒲壘成秦地莎居集作丘屬漢家當令犬戎國朝

聘學昆邪

送秘書晁監歸

集作還

日本國

前人

積水不可極安知滄海東九州何處遠萬里若乘空

向國惟看日歸帆但信風鼇身映天黑魚一作眼射波紅鄉
樹扶桑外主人孤島中別離方異域音信若爲通

淇上送趙仙舟集作齊州
送祖三

前人

相逢方一笑相送還成泣相帳已傷離荒城復愁入天寒
遠山淨日暮長河急解纜心集作已遙望君空集作佇立

送別綦毋潛落第

前人

聖代無隱者英靈盡來歸遂令東山客不得顧采薇既
至君門遠孰云吾道非江淮度寒食京洛文粹
作兆縫春衣

置酒臨長道文粹作
長亭送同心與我違行當浮桂棹未幾拂荆扉遠

樹帶行客孤城文粹
作村當落暉吾謀適不用勿爲集作知音

稀

別綦毋潛

前人

端笏明光殿集作
官歷稔朝雲陛詔刊延閣書高議平津邨

適意輕微祿遇人集作
虛心削煩禮盛得江左風彌工建安體

高張多絕絃截河友清濟嚴冬爽羣木伊洛方清泚渭水

冰下流潼關雪中閉集作
啓荷蓀幾時還塵纓待君洗

送綦毋潛校書集作
秘棄官還江東

前人

明時久不達弃置與君同天命無怨色人生有素風念君

拂衣去四海將安窮秋天萬里靜日暮九江空清夜何悠

悠扣舷明月中和光魚鳥際澹爾蒹葭叢無庸客昭世

衰鬢日集作
白如蓬頑踈暗人事僻陋遠天聰微物縱可採其

誰爲至公余亦從此去歸耕爲老農

送從叔集作
弟游淮南座上城

前人

讀書復騎射帶劍遊淮陰淮陰少年輩千里遠相尋高義

難爲集作
自隱明時寧陸沉鳧夷九州外泉館三山深席帆

聊問罪卉服盡成擒歸來見天子拜爵賜黃金忽思鱸魚

鱸復有滄江集作州心天寒蒹葭渚日落雲夢林江城下楓葉
淮上聞秋碓送歸青門外車馬去駸駸惆悵新豐樹空餘
天際禽

送權三集作二

前人

高人不可有清論復何深一見如舊識一言知道心明時當
薄官解薛去中林芳草空隱處白雲餘故岑韓侯久携
手河嶽共幽尋悵別千餘里臨堂鳴素琴

送魏郡李太守赴任

前人

與君伯兄集作氏別又欲與君離君行無幾日當復隔山陂
蒼茫秦川盡日落挑林塞獨樹臨關門黃河向天外前經
洛陽陌宛洛故人稀故人盡離別淇上轉驂駢企予悲送遠惆
悵睢陽路古木官渡平秋城鄴都集作宮故想君行縣日其
出從如雲遙思魏公子復憶李將軍

峴山亭送朱大

集作峴山送張去非遊巴東

孟浩然

峴山南郭外送別每登臨沙岸江村近松門山寺深一言
余有贈三峽爾將尋祖席宜城酒征途雲夢林蹉跎遊子
意眷戀故人心去矣勿淹滯巴江集作東猿夜吟

送韓使君除洪州都督

前人

述德撫荆衡分符襲寵榮往來看擁傳前後賴專城勿
翦棠猶在波澄水更清重推江漢理旋改豫章行郡父多
遺愛羊公有令名衣冠列祖道耆舊擁前程一作旌峴首晨風
送江陵夜火迎無才慙孺子千里愧同聲

同盧明府餞張郎中除義王府司馬海園作 前人

上國河山裂集作星河列賢王邸第開故人分職去潘令寵行來
冠蓋趨梁苑江湘集作山失楚材預愁軒騎動賓客散池臺

送王昌齡之嶺南

前人

洞庭去遠近楓葉早驚秋峴首羊公愛長沙賈誼愁
土風集作無縞紵鄉味有查頭已抱沉痾疾更貽
魑魅憂數年同筆硯茲夕間衾榻意氣今何在
想思望斗牛

送盧少府使入京

集作秦

前人

楚關望秦國相去千里餘州縣勤王事山河轉使車
祖筵江上列離恨別前書願及芳年賞嬌鶯二月初

送張子容進士赴舉

前人

夕曛山照滅送客出柴門惆悵野中別殷勤醉後集作岐路言
茂林子偃息喬木爾飛翻無使谷風誚須令友道存

送莫氏外生兼諸昆季從韓司馬入西軍

前人

念汝集作爾習詩禮未嘗違戶扃嚴君先早露集作平生早
君偏萬里更飄零坐奔三冬業集作行觀八陣形飾裝辭

故里謀策赴邊庭壯志吞鴻鵠遙心伴鶴鶴所從文且集作與

武無集作不戰自應寧

送王七尉松滋得陽臺雲字

前人

君不見巫山神女作行雲虹蜺集作霏虹沓翠曉氣氲嬋娟

遊集作流入襄集作楚王夢覺後集作候忽還隨零雨分空中曉

去復飛來朝朝暮暮下陽臺愁君此處集作去

洛下送奚三還揚州

前人

水國無邊際舟行興便集作共使風羨君從此去朝夕見鄉
中余亦離家久南歸恨不同音書若有問江上會相逢

送辛大不及

前人

送君不相見日暮獨愁余楚詞目眇眇兮愁予余予同并
唐韻並有上聲或改作縮非
江上空徘徊天邊迷處所郢邑經樊鄧山河入嵩汝蒲輪

去漸遙石逕徒延佇

送謝錄事之越

前人

清旦江天迴涼風西北吹白雲向吳會征帆亦相隨想到
耶溪日應探禹穴竒仙書儻先一作相示余在北山陞

送杜十四

前人

荆吳相接水連絕句詩選作爲鄉君去春江一作江村正淼茫日暮征帆
泊何處天涯一望斷人腸

文苑英華卷第二百六十八

登仕朗胡柯鄉貢進士彭叔夏校正

文苑英華卷第二百六十九

詩二百十九

送行四

杜甫十三首

李白二十一首

劉希夷三首

盧象二首

祖詠一首

綦毋潛六首

常建四首

奉送郭中丞兼太僕卿充隴右節度

使三十韻

杜甫

詔發山西將秋屯隴右兵淒涼餘部曲輝赫舊家聲鷗
鷗乘時去驂驢顧主鳴艱難頂上策容易即前程斜
日當軒蓋高風卷旆旌松悲天水冷沙亂雪山清和虜
猶懷惠防邊詎敢驚古來於異域鎮靜示專征燕薊奔封
豕周秦觸駭鯨中原何慘陸機功臣贊作慘黷餘孽尚縱橫箭入昭陽殿笳

吟細柳營內人紅袖泣王子白衣行宸極妖星動園陵殺氣
平空餘金盃出無復總帷輕毀廟天飛雨焚宮火徹明界
恩朝共落榆栢夜同傾三月師逾整羣胡一作亮勢就烹瘡痍
一作恭承親接戰勇決一作餘勇冠垂成妙譽期元宰殊恩且列卿幾
時迴節鉞戮力掃攙槍圭竇三千士雲梯七十城耻非齊說
客甘一作抵似魯諸生通籍微班忝周行獨座榮隨肩趨
漏刻短髮寄簪纓徑欲依劉表還疑厭禰衡漸衰那此
別忍淚獨含情廢邑狐狸語空村虎豹爭人頻墜塗炭
公豈忘精誠元帥調新律前軍厭舊京安邊仍色從莫作
一作無使後功名

送陵州路使君赴任

前人

王室比多難高官皆武臣幽燕通使者岳牧用詞人國待
賢良急君當拔擢新佩刀成氣象行蓋出風塵戰伐乾坤

破瘡痍府庫貧衆寮宜絮白萬役但一作盡平均霄漢瞻佳
士泥塗任此身秋天正搖落迴首大江濱

送梓州李使君赴任一作集任

前人

籍甚黃丞相能名自頰川近看除刺史還喜得吾賢五馬
何時到雙魚會早傳老思筇竹杖冬要錦衾眠不作臨岐
恨唯聽舉最先火雲揮汗日山驛醒心泉遇害陳公殞于
今蜀道憐君行射洪縣爲我一潸然

鄆城西原送李判官兄武判官弟赴成

都

前人

憑高送所親久坐惜芳辰遠水非無浪他山自有春野花
隨處發官柳著行新天際傷悲別離筵何太頻
泛江送魏十八倉曹還京因寄岑中允叅范郎

中李明

前人

遲日滌江水輕舟送別筵帝鄉愁緒外春色淚痕邊見
酒須一作應相憶將詩莫浪傳若逢岑與范爲報各衰年

泛江送客

前人

二月頻送客東津江欲平煙花山際重舟楫浪前輕淚逐
勸杯落一作下愁連吹笛生離筵不隔日那得易爲情

送路六侍御入朝

前人

童稚情親四十年中間消息兩茫然更爲後會知何地
忽漫相逢是別筵不分桃花紅勝錦生憎柳絮白於綿劍
南春色還無賴觸忤愁人到酒邊

送李校

集作秘

書赴杜相公幕

前人

青簾白舫益州來巫峽秋濤天地迴石出倒聽楓葉下櫓
搖背指菊花開貪趨相府今晨發恐失佳期後命催南極
一星朝北斗五雲多處是三台

送翰林張司馬南海勒碑相國製文

前人

冠冕通南極文章落上台詔從三殿去碑到百蠻開野館
濃花發春帆細雨來不知滄海使集作上天遣幾時迴

送魏二十四司直充嶺南掌選崔郎中判官兼

寄韋韶州

前人

選曹分五嶺使者歷三湘才美膺推薦君行佐紀綱佳
聲期共遠雅節在周防明白山濤鑒獫疑陸賈裝故人
湖外少春日嶺南長憑報韶州牧新時昨寄將

夏日揚長寧一作官宅送崔侍御常正字入

京

前人

醉酒揚雄宅升堂子賤吟不堪垂老鬢還對欲分襟天
地西江遠星辰北斗深烏臺俯麟閣長夏白頭吟

送孔巢父遊江東兼呈李白

前人

巢父掉頭不肯住東將入海隨煙霧詩卷長留天地間
釣竿欲拂珊瑚樹深山大澤龍蛇遠春寒野陰風景暮蓬
萊織女迴雲車指點虛無是征路自是君身有仙骨世人
那得知其故惜君只欲若死留富貴何如草頭露蔡侯靜
者意有餘清夜置酒臨前除罷琴惆悵日照席幾歲寄
我空中書南尋禹穴見李白一作若逢李白騎鯨魚道甫問信今何如

送高司直尋封一作閬州

起

前人

丹雀銜書來暮栖何鄉樹驂驢事天子辛苦在道路司直
非冗官荒山甚無趣借問泛舟人胡爲入雲霧與子姻婭間
既親亦有故萬里長江邊邂逅一相遇長卿消渴再公幹
沉綿屢清談慰老夫開卷得佳句時見文章士欣然淡情
素伏枕聞別離疇能忍漂寓良會苦短促溪行水奔注熊
羆咆空林遊子慎馳騫西謁巴中侯艱險如跬步主人不
世才先帝常特顧拔爲天軍佐崇大王法度淮海生清風南
翁尚思慕公宮造廣廈木石乃無數初聞伐松栢猶臥天一
柱我瘦一作病書不成成字讀亦誤爲我問故人勞心練征
戍

送客歸吳

李白集無

江村秋雨歇酒盡一帆飛路歷波濤去家唯坐臥歸島花
開灼灼汀柳細依依別後無餘事還應掃釣磯

送友生遊峽中

前人集無

風靜揚柳垂看花又別離幾年同在此今日各驅馳峽裏
聞猿叫山頭見月時殷勤一盃酒珍重歲寒姿

送袁明府任長江

前人集無

別離揚柳青樽酒表丹誠古道携琴去深山見峽迎暖風
花繞樹秋雨草沿城自此長江內無因夜犬驚

杭州送裴大擇時赴廬州長史 前人 見集本

西江天柱遠東越海門深去割辭親戀行憂報國心好風
吹落日流水引長吟五月披裘者應知不取金

送史司馬崔相公幕 前人 集無

崢嶸丞相府清切鳳凰池羨爾瑤臺鶴高棲瓊樹枝歸
飛晴日好吟弄惠風吹正有乘軒樂初當學舞時珍禽在
羅網微命苦遊絲願託周周羽相銜漢水湄

送張舍人之江東 前人

張翰江東去正值秋風時天清一鴈遠海闊孤帆遲白日
行欲暮滄海集作波杳難期吳洲好見月千里幸想思

以下十六篇並見集本

送紀秀才遊越 前人

海水不滿眼觀濤難稱心即知蓬萊石却是巨鼇簪送爾

遊華頂令余發鳥吟僊人居射的道士住山陰禹穴尋溪
入雲門隔嶺深綠蘿秋月夜相憶在鳴琴

送趙雲卿 前人

白玉一盃酒綠楊三月時春風餘幾日兩鬢各成絲秉燭
唯須飲投竿也未遲如逢渭川獵猶可帝王師

送友人尋越中山水 前人

聞道稽山去偏宜謝客才千巖泉灑落萬壑樹蒼迴
東海橫秦望西陵繞越臺湖清霜鏡曉濤白雪山來八月
枚乘筆三吳張翰盃此中多逸興早晚向天台

送侯十一 前人

朱亥已擊晉侯羸尚隱身時無魏公子豈貴抱關人余
亦不火食遊梁同在陳空餘湛盧劍贈爾託交親

送梁西歸東平 前人

玉壺挈美酒送別強爲歡
天大南星月長郊北路難
殷王期負鼎汶水豈集作起垂竿莫學東山臥
參差老謝安

金陵送張十一再遊東吳

前人

張翰黃花句風流五百年
誰人今繼作夫子世稱賢
再動遊吳棹還浮入海船
春光白門柳霞色赤城天
去國難爲別思歸各未旋
空餘賈生淚相顧共悽然

送揚少府赴選

前人

大國置衡鏡準平天地心
羣賢無邪人朗鑒窮清深
吾君詠南風袞冕彈鳴琴
時泰多美士京國會纓簪
山苗落澗底幽松出高岑
夫子有盛才主司得球琳
流水非鄭曲前行一作後遇知音
衣工剪綺繡一悞傷千金
何惜刀尺餘不裁寒女衾
我非彈冠者感別但開襟
空谷無白駒賢人豈悲一作獨吟
大道安棄物時來或招尋
爾見山吏部當

應無陸沉

送程劉二侍御兼獨孤判官赴安西幕府

前人

安西幕府多才雄
喧喧唯道三數公
繡衣貂裘明積雪
飛書走檄如飄風
朝辭明主出紫宮
銀鞍送別金城空
天外飛霜下葱海
火旗雲馬生光彩
胡塞塵清計日歸
漢家草綠遙相待

送諸邕之武昌

前人

黃鶴西樓月長江
萬里情春風三十度
空憶武昌城送爾難爲別
銜盃惜未傾湖連張樂地
山逐泛舟行諾謂楚人重詩傳
謝朓清滄浪吾有曲寄入棹歌聲

金鄉送韋八之西京

前人

客自長安來還歸長安去
狂風吹我心西挂咸陽樹
此情不可道此別何時遇
望望不見君連山起煙霧

送裴十八圖南歸嵩山二首

前人

何處可為別長安青綺門胡姬招素手延客醉金樽
臨當上馬時我獨與君言風吹芳蘭折日沒鳥雀喧舉
手指飛鴻此心集作難具論同歸無早晚潁水有清源

二

君思潁水綠忽復歸嵩岑歸時莫洗耳為我洗其心洗心
得真情洗耳徒賣集作名謝公終一起相與濟蒼生

送張秀才謁高中丞并序

前人

余時繫尋陽獄中正讀留侯傳秀才張孟熊蘊滅胡之
策將之廣陵謁高中丞余喜一作子房之風感激於斯人
因作是詩以送之

秦帝淪玉鏡留侯降氛氲感激黃石老經過滄海君壯士
揮金搥報讐六合聞知勇冠終古蕭陳難與羣兩龍爭鬪

時天地動風雲酒酣舞長劍倉卒解漢紛宇宙初倒懸洪
溝勢將分英謀信奇絕夫子揚清芬胡月入紫微三光亂
天文高公鎮淮海談笑郭妖氛採爾幕中畫集作所期略戡
難光殊勳我無燕霜感玉石俱燒焚但洒一行淚臨歧
竟何云

同王昌齡送族弟襄歸桂陽

前人

秦地見碧草楚謠對清樽把酒爾何思鷓鴣啼南園予
敬一作羅浮隱猶懷明主恩躊躇紫宮綠孤一作負滄洲言
終然無心雲海上同飛翻相期乃不淺幽挂有芳根一作雜芳

送賀賓客歸越

前人

鏡湖流水漾清一作春始波狂客歸舟逸興多山陰道士如
相見應寫黃庭換一作白鵝

送友人之新豐

劉希夷

日暮秋風起，關山斷別情。淚隨黃葉下，愁向綠樽生。野路歸驂轉，河洲宿鳥驚。賓遊寬旅宴，王事促嚴程。

錢李秀才赴舉

前人

鴻鵠振羽翩翩飛，入帝鄉朝鳴集銀樹。暝宿下金塘，日月天門近。風煙夜路長，自憐窮浦鴈。歲歲不隨陽。

洛中晴月別殷四入關

前人

清洛浮橋南渡頭，天明集作萬里林葉秋。集作散晴看石

瀨光無數曉入圓潭浸。集作不流微雲一點曙，煙起南陌憧

憧遍行子，欲將此意與君論。復道秦關向千里。

送綦毋潛

盧象

夫君不得意，本自滄海集作來。高足未云騁，虛舟空復迴。

淮南楓葉落，灞岸桃花開。去家暫為閑，一作出處暫為閑浮沉安繫

哉。如何天覆物，還遣世遺才。欲隱秦將漢，當關王與裴。

離筵對寒食，別雨乘春雷。會有徵書到，荷衣且慢裁。

送祖詠

前人

田家宜伏臘，歲晏子言歸。石路雪初下，荒山一作村鷄共飛

東原同。一作煙火北澗隱，寒暄滿酌野人酒。倦聞隣女機

胡為困樵採，幾日被集作朝衣。

送劉高郵稅史入都

祖詠

常聞積歸思，昨夜復一作兼秋。鄉路京華遠，王程江水流。

吳歌喧兩岸，楚客醉孤州。漸覺潮初上，悽然多暮愁。

送崔貞外黔中監選

綦毋潛

持衡出帝畿，星指夜郎飛。神女雲迎馬，荆門雨濕衣。聽

猿收淚罷，繫鴈待書稀。戀豸雖殊俗，知君肝膽微。以下六篇並見集本

送章彝下第

前人

長安渭集作灞，橋路行客別時心。獻賦溫泉畢，無媒魏闕深。

黃鶯啼就馬白日暗歸林三十名未立君還惜寸陰

送賈恒明州兼寄溫張二司戶 前人

越客新安別秦人舊國情舟乘晚風便月帶上潮平花路西施石雲峯勾踐城明州報兩掾相憶二毛生

送宋秀才 前人

冠古稱榮盛當時數戟門舊交丞相子繼世五侯孫長劍倚天外短書盈萬言秋風一送別江上黯銷魂

送平判官入秦 前人

謫遠自安命三年已忘歸同聲願執手驛騎到門扉云是帝鄉去軍書謁紫微曾為金馬客向日淚沾衣

送儲十二還莊城 前人

西坂何繚繞青林門子家天寒噪野雀日晚度城鴟寂歷道傍樹曠隴原上霞茲情不可說長恨隱淪賒

送樊十少府 常建

微風吹霜氣寒影流前除落日未能別蕭蕭林木虛愁煙閉千里仙尉其何如因送別鶴噪贈之雙鯉魚鯉魚在金盤別鶴哀有餘心事則如此請君開素書

送陸權 前人

聖代甘凝秀才陸生何考盤南山高松樹不合空摧殘九月湖上別北風秋雨寒慙慙嘆孤鳳早食金琅玕

送李十一尉臨溪 前人

泠泠花下琴君唱渡江頭一作吟天際一帆影預懸離別心以言神仙尉因致瑤華音迴軫撫商調越溪澄碧林

送宇文六 前人

花映垂楊水徹一作清曉風林裏一花輕即今江北還如此愁殺江南離別情

文苑英華卷第二百六十九

登仕郎胡 桐 鄉貢進士彭 叔夏 校正

送孔巢父集有謝病三字遊江東春寒野陰蓬萊織川本作華

女人川本作女玉仙是征路川本作引歸路

文苑英華卷第二百七十

詩一百二十

送行五

高適十一首

王昌齡八首

陶翰一首

劉脊虛二首

劉長卿二十首

朱頊七首

送柴司戶充劉卿判官之嶺外 高適

嶺外資雄鎮朝端寵節旄月卿臨幕府星使出詞曹
海對羊城闕山連象郡高風霜驅瘴癘忠信涉波濤別恨隨
流水交情脫寶刀有才無不通行矣莫徒勞

以下十篇並見集本

送馮判官

前人

碣石遼西地漁陽薊北天關山唯一道雨雪盡三邊才子
方為客將軍正愛集作渴賢遙知幕府下書記日翩翩

送張少府

前人

歸客留不住朝雲縱復橫馬頭向春草斗柄臨高城嗟
我久離別羨君看弟兄歸心更難道回首益集依傷情

淇上送常司倉往滑臺

前人

飲酒莫辭醉醉多適不愁熟知非遠別終念對新集作秋
滑臺門外見淇水眼前流君去應回首風波滿渡頭

東平別前衛縣李案少府

前人

黃鳥翩翩揚柳垂春風送客使人悲怨別自驚千里外
論交却憶十年時雲開汶水孤帆遠路遠梁山匹馬馳此地
從來可乘與留君不住益悽其

送別

前人

昨夜離心正鬱陶三更白露西風高螢飛木落何浙瀝此
時夢見集作忽觀西歸客曙鍾寥亮三四聲東隣嘶馬使
人驚攬衣出戶一相送唯見歸雲縱復橫

送別王徹

前人

歸客自南楚悵然思北臨一作蕭條秋風暮迴首江淮深
留君終日歡集作留連一作或為梁甫吟時輩想鵬舉他人嗟
陸沉載酒登平臺贈君千里心浮雲暗長路落日有歸禽離
別未足悲辛勤當自任吾知十年後季子多黃金

送蕭十八與房侍御迴還

前人

常苦一作悲古人遠今見斯人古澹泊遺聲華周旋必鄒魯故交
在梁宋遊方出庭戶匹馬鳴朔風一身濟河滸辛勤採蘭詠
款曲翰林主歲月催別離庭闈遠風土寥寥寒燈靜芥
芥夕雲苦明發不在茲青天眇難覩

錢宋八克彭中丞判官之嶺外 前人

觀君濟時略使我氣填膺長策竟不用高才徒見稱一朝
已知達累日詔書徵羽翮忽然動集作就風飈誰敢凌舉鞭

趨嶺障屈指冒炎蒸北鴈送馳驛南人思飲冰彼邦本
倔強習俗多驕矜翠羽干平法黃金撓直繩若將除害馬
慎勿信蒼蠅魑魅寧無患忠貞適有憑猿啼山不斷鳶跼
路難登海岸出交趾江城連始興繡衣當節制幕府盛威
稜勿憚九疑險須令百越澄立談多感激行李即嚴凝
離別胡爲者雲霄蓬爾昇

贈別常參軍

前人

二十解

詩選作辭

書劍西遊長安城舉頭望君門屈指取公卿

國風冲融邁三五朝廷歡樂彌寰宇白壁皆言賜近臣布

衣不得

集作敢

于明主歸來洛陽無負郭東過梁宋非吾土免

苑爲農歲不登鴈池垂釣心常苦世人向我同衆人唯君

於我情

集作最

相親且喜百年有交態未曾

集作常

一日辭家貧

彈琴擊筑白日晚縱酒高歌揚柳春歡娛未盡分散去使我

惆悵驚心神終當不作兒女悲

詩選作別

臨岐涕淚

詩選作泗

霑衣巾

送中贈別周梁李三子

前人

曾是不得意適來兼別離如何一樽酒翻作蒲堂悲周子

負高價梁生多逸詞周旋梁送間感激建安時白雲

集作雪

正如此青天

一作雲

無自疑李侯懷清英骭髀乃天資方寸

且無間衣冠當在斯俱爲千里遊忽

集作勿

念兩鄉辭且見

壯心在莫嗟携手期涼風吹北原落日照西陂露下草初

白天長雲屢滋我心不可問

集作得

君去

多知己誰能憶左思

別劉諝

王昌齡

天地寒更雨蒼茫楚城陰一罇廣陵酒十載衡陽心倚伏
不可料悲歡豈易尋相逢成遠別後會何如今身在江海
上雲連京國深行當務功業策馬何駸駸

送任五之桂林

前人

楚客醉孤舟越水將引棹山爲兩鄉別月帶千里貌霸
謹同矰綸僻幽聞虎豹桂林寒色在苦節知所效

送李濯遊江東

前人

清洛日夜漲微風引孤舟離傷便千里遠夢生江樓楚
國橙橘暗吳門煙雨愁東南具古人歸望山雲秋

送魏二

前人

醉別江樓橘柚鄉江風引雨入舟一作涼憶君遙在湘江
上一作愁送一作清猿夢裏長
一作皆絕句詩選

送高三之桂林

前人

留君夜飲對瀟湘從此孤舟客夢長嶺上梅花侵雪
暗歸時還拂桂林一作香

送常十四兵曹

前人

縣職如長纓終日檢我身平明趨郡府不得展故人故人念
江湖富貴如埃塵跡在戎府掾心遊天台春獨立浦邊鶴白
雲長相親南風忽至吳分散還入秦夜寒天光白海淨詩選作靜
月色真對坐論歲暮絃悲豈詩選作歌起無因平生驅馳分非
謂杯酒仁出處兩不合忠貞何由車看君孤舟去且欲歌垂綸

送喬林

前人

草綠小平津花開伊水濱今君不得意辜負帝鄉春口不
言金帛心常任屈伸阮公唯一作飲酒陶令肯羞貧陽羨
風流地滄江避世人菱歌五湖遠掛樹八公鄰青鳥迎孤棹
白雲隨一身潮從秣陵上月映石頭新未可逃名利應須
在搢紳汀洲芳杜色勸爾暫垂綸

送歐陽會稽之任蕪呈陳處士

前人

懷祿貴心賞東流山水長官移會稽郡地邇上虞鄉綬帶

屏紛雜漁舟臨訟堂逶迤迴溪趣一作曲嘯傲飛鳥行萬
室霽朝雨千峯迎夕陽輝遠洲映曖曖澄湖一作江光髮白
有高士青春騎疑上皇應須枉車歇疑爲我訪荷裳

送朱大出關

陶翰

楚客西上書十年不得意平生相知者晚節心各異長揖
五侯門拂衣謝中貴丈夫多別離各有四方事拔劍因高
歌蕭蕭北風至故人有斗酒是夜共君醉努力長一作強加
餐當年莫相棄

送韓平兼寄郭微

劉昫虛

上客夜相過小童能沽酒卽爲臨水處正值歸鴈後前路
望鄉關近家見門柳到時春未暮風景自應有餘憶東
周人經年別未久殷勤爲傳語日夕念携手兼問前寄書
中間復達否

海上送薛文學

前人

日處歸且遠送君東悠悠滄溟千萬里日夜一帆舟曠望
絕國所微茫天際愁有時近仙境不定若夢遊或見青色
石孤舟百處秋前心方杳眇此路獨夷猶離別惜吾道波澤敬
皇休春浮溪花遠思逐海水流日暮驪歌後求懷空滄
洲

送徐大夫赴廣州

劉長卿

上將壇場拜南荒集作方羽檄招遠人來百越元老事三朝
霧繞龍川暗山連象郡集作嶺遙路分江淼淼軍發馬蕭蕭
塞集作畫角知秋氣樓船逐暮潮當令輸貢職集作賦不使外
夷驕

以下二十四首並見集本

送齊郎中典括州

前人

星象移何處旌麾獨向東勸耕滄海畔聽訟白雲中樹

影集作色雙溪合猿聲萬嶺同石門康樂在集作住幾
里枉帆通

送李中丞之襄州

前人

流落征南將曾驅十萬師罷歸無舊業老去戀明時獨
立三朝識輕生一劍知茫茫漢江上日暮欲集作復何之

送李秘書却赴南中

此公舉家先流竄嶺外兄弟數人俱沒南中

前人

却到番禺日應傷昔所依炎州百口住故園幾人歸路識
梅花在家看隸萼稀獨逢迴鴈去一作衡嶺猶作舊行飛

送營田判官鄭侍御赴上都

前人

上國三千里西遊集作還及歲芳故山經亂在春日送歸長

曉奏趨雙闕秋成報萬箱幸論開濟力已實海陵倉

送嚴侍御充東畿觀察判官

前人

洛陽征戰後君去問凋殘雲日臨南至風霜向北寒故園

經亂失古道集作本

近鄉看誰訪江客城年年守一官

送蔡侍御赴上都

前人

遲遲立駟馬久客戀瀟湘明日誰同路新年獨到集作別鄉

孤煙向驛遠積雪去關長秦地看春色南枝不可忘

送梁侍御赴永州

前人

蕭條江雨暗客散短野集作野亭空憂國天涯去思鄉歲暮

同到時猿未斷迴處水應窮莫望零陵路千峯萬木中

送鄭說

集作說之鄭

歙州謁薛能郎中

集作侍郎

前人

漂泊來千里謳謠滿百城漢家尊太守魯國重諸生俗變
人難理江流集作傳水至清船經危石住一作杜路入亂山行老

得滄洲趣春傷白首情嘗聞馬南郡門下有康成

送裴使君赴荆南充行軍司馬

前人

盛府南門寄前程積水中月明臨夏口山晚望巴東故節

辭江郡寒笳發渚宮漢川風景好遙羨集作繼逐羊公

送鄭十二一作山人還廬山已見二百三十一卷

前人

送行軍張司馬罷使適越

前人

時危身赴敵事往任浮沉末路三江水當時百戰心春風
吳苑綠古木剡山深千里滄波上孤舟不可尋

送馬秀才移家京洛赴舉

前人

自從為楚客不復掃荆扉劍共丹誠在書隨白髮歸舊
遊經亂盡後進識君稀空把相如賦何人薦禮闈

送荀八過山陰訪舊集作舊任

兼寄剡中諸官

前人

訪舊山陰縣扁舟到海涯故林嗟滿歲春草憶佳期晚景
千峯亂晴江一鳥遲桂香留客處楓暗泊舟時舊石曹娥

篆空山禹帝集作夏禹

祠剡溪多隱吏君為集作去

道相思

送耿拾遺歸上都

前人

若為天畔獨歸秦對水看山欲暮春窮海別離無限路隔
河征戰獨歸人長安萬里傳雙淚建德千峯寄一身想到
郵亭愁駐馬不堪西望見風塵

送嚴負外集作吳中贈別嚴士元

復晴細雨濕衣

前人一作李嘉祐非

春風倚棹闔閭城水國殘雲陰或作水閣天寒陰

復晴細雨濕衣

前人

看人一作

不見閑花落地聽無聲日斜江上孤帆影草綠湖或作江

南萬里情君去一作東道若逢相識問青袍今已悞儒生

此詩二百八十七卷重出今已削去注異同為一作

送柳使君赴袁州

前人

宜陽出守新恩至京口因家始願違五柳閉門高士去三
苗按節遠人歸月明江路聞猿斷花暗一作發山城見吏稀
唯有郡舊一作齋窻裏岫朝朝空對謝玄輝

送陸澧倉曹西上集作下

前人

長安此去欲何依先達誰當薦陸機日下鳳翔雙闕迴雪
中人過二陵稀舟從故里難移棹家在寒塘獨掩扉臨水
自傷居洛集作流落久贈君空有淚霑衣

送皇甫曾赴上都

前人

東遊久與故山違西去荒涼舊路微秋草不知三逕處行
人獨向五陵歸離心日遠如流水迴首山川共落暉楚客豈
勞傷此別滄江日集作暮淚霑衣

送丘為赴上都

前人

帝鄉何處是岐路空垂泣楚客集作思愁暮多川程帶
潮急潮歸人不歸向迴塘立

送人歸沔南

朱頎

梅花今正發失路復何如舊國雲山一作霞在新年風景餘
春饒漢陽夢日寄武陵書可惜明時老臨川莫羨魚

送劉主簿歸金壇

前人

與子十年舊其如離別何宦遊隣故國歸夢是滄波京口
青山遠金陵芳草多雲帆曉容裔江日晝清和縣郭舟人
飲津亭漁者歌茅山有仙洞羨爾再經過

送顧朝陽還吳

前人

寂寞俱不偶裹糧空入秦宦途已可識歸臥包山春舊
國指飛鳥滄波愁旅人開樽洛水上怨別柳花新

送竇參軍

前人

城南送歸客酒舉對林巒喧一作鳴鳥迎春一作風轉風一作春
衣度雨寒桃花開翠幕柳色傍金鞍公子何時至無令
芳草蘭

送魏萬之京

前人

朝聞遊子唱離歌昨夜微霜初渡河鴻鴈不堪愁裏聽雲

山况是客中過關城樹色催寒近御苑砧聲向晚多莫
見長安行樂地空令歲月易蹉跎

贈別穆元休

前人

貳職久辭蒲藏名三十年丹墀策頰獻白首官不遷明主
棄微士曹吏何忽賢空懷濟世業獨一作掉滄浪船舉酒
洛門外送春滄一作送君春海邊彼鄉有令弟小邑試烹鮮轉浦
雲壑媚涉江花島連綠芳暗楚水白鳥飛吳煙贈紵亦奚
貴亂流期早旋金閨會通籍生事豈一作徒然

送張諲入蜀

前人

出門便為客惘然悲徒御四海唯一身茫茫欲何去經山
復歷水百恨將千慮劍閣送一作梁州是君斷腸處客心
落日感君深夢裏暮一作孤雲傷客江畔薰葭渚天邊橘
柚林蜀江流不測蜀路險難尋木有相思號猿多愁苦吟

一作音

莫向禺山隱禺山地非近故鄉可歸來眼見芳菲盡

文苑英華卷第二百七十

登仕郎胡

柯

鄉貢進士彭

叔夏

校正

贈別韋叅軍兒女悲態一作

